


越縵堂日記

第二十二冊

桃萼聖解金盃日記甲集第二集

起甲戌十二月



同治十三年甲戌冬十二月庚午朔醒風至傍晚稍止 讀後漢書 是日

市中所亭錢鋪復開予之錢票盡取得錢矣此又非望之喜也 夜風

讀後漢書

初二日卒未醒 滌紫泉來尚臥不見 作書致殷萼庭行舟夕

所誤鄭姬墓志 是日付米錢五十千冬至雞豚錢二十千 岑福工食錢

六千更夫兩月工食錢七千 橋脯之食錢十二千 魯芝友來夜談

邸鈔

命李鴻章為文華殿大學士 由武英進 文祥為武英殿大學士 由體仁進 寶璽為體仁

閣大學士

也... 著

初三日壬申晨牧醒上午露下午醒 鬚頭 丹月印結局公費銀

十五兩五錢換得票錢二百五十千付石炭錢五十千陳媪工食錢五千

岑福月賞錢二千 校晉書儒林傳一卷文苑傳一卷外戚傳一卷

至夜三更數

邸鈔

詔初六日再遣恭親王奕訢詣 大高殿恭代祈雪時應官等仍分遣

諸王

初四日癸酉醒有風午後止

邸鈔

詔已故廣東鹽運使鍾謙鈞循聲卓著著湖廣兩廣各督撫即將該故

莫事迹查明咨送國史館立傳從左宗棠奏請也

初五日甲戌暝 終日酬應無謂筆墨作片致孫鏡江殷萼庭

晚為張硤民邀會宴賓齋夜歸

邱鈔

兩江總督李宗義奏病勢日增懇請開缺調理 許之以江西巡

撫劉坤一署理兩江總督以江西布政使劉秉璋署理江西巡撫

江南鹽巡道鄧裕功在為同知歸部銓選以李宗義劾其頗有嗜好不

知振作也鄧裕功湖北監生家以販鹽積資久居京師自僱郵百萬於游賭博交通賄賂無賴之干流也然總督且優容之兩年前除至商人許其優恤公帑始職任嚴實責其補完方事勅降外官護庇十九知是若宗義若猶為不徇情面若矣

以翰林院侍講學士錫珍轉補侍讀學士以左春坊左庶子特亮為

翰林院侍講學士

是日酉刻

上崩年十九歲先是十一月朔太白貫日 上即以是日痘發徧體蒸灼內

廷王大臣入問狀請 上權亭萬幾

兩宮皇太后裁決庶政 上許之於是 御前大臣軍機大臣等列議四事以

上其一政引見為驗放如初垂簾故事識者已惡其不祥未幾以痘

痲將結遂先加恩醫官左院判李德右院判莊守和六品雜流官

也皆擢京堂德去至鉞六級以三品卿候補尤故事所無者旋徧加恩

內廷諸王大臣至 先朝嬪御皆晉位號凡所施行俱如易代登極之典

又於大清門外結壇焚燒采帛車馬名曰送聖都人皆竊私議以為

頗似大喪祖送也 上旋患癰項腹各一皆膿潰先十日已要婚殆不

知人於是議去皇子而文宗無他子宣宗諸王孫皆尚少無有

子若貝勒載治宣宗長子隱志郡王之嗣子也有二子幼者曰溥

侃生甫八月召入宮將立為嗣矣未及而上宴駕乃止宮廷隔絕

其事莫能詳也上幼穎悟有成人之度天性渾厚自去年親政

每臨大祀容色甚莊而弘德殿諸師傅皆帖搭學究惟知勸錄講

章性理膚末之談以為啟沃故上深厭之不喜讀書狎近宦豎遊

學導以嬉戲游宴莅政以後內務府郎中貴賓文錫與宦官日侍

上勸上興土木修園籞戶部侍郎桂清究內務府好直言先

斥去之耽溺男寵日漸羸瘠未及再稔遂以不起哀哉

初六日乙亥暝作片致牧莊夢庭來牧莊來談至夜飯

後去 楊翰臣來不晤

邱鈔

博親王奕綜恭親王奕訢醇親王奕譞字郡王奕譞惠郡王奕詳貝勒載
治載澂公奕謨御前大臣伯彥訥謨祜奕劻景壽軍機大臣寶璽沈桂
芬李鴻藻總管內務府大臣英桂崇綸魁齡榮祿明善貴寶文錫弘
德行走徐桐翁同龢王慶祺南書房行走黃鈺潘祖蔭孫詒經徐郁張
家驥奉

慈安端裕康慶皇太后

慈禧端佑康頤皇太后懿旨醇親王奕譞之子載灃著承繼

文宗顯皇帝為子入承大統為嗣皇帝

年甫四歲以辛未六月辛巳時生

皇帝詔曰朕蒙

皇考文宗顯皇帝覆載隆恩付畀神器冲節踐阼

寅紹丕基仰蒙

兩宮皇太后垂簾聽政宵旰憂勞嗣奉 懿旨命朕

親裁大政仰維

列聖家法一以敬天法 祖勤政愛民為本自維薄德

敢不朝乾夕惕惟日孜孜十餘年來雖幸官軍所至髮捨各逆次第削平

滇黔閩隴苗匪回匪分別剿撫俱臻安靜而兵燹之餘吾民瘡痍未復每

一念及寤寐難安深宮兢惕之懷當為中外臣民所共見朕體氣素強本

年十一月適出天花加意調攝乃適日以來元氣日虧以致彌留不起豈非太平

顧念統緒至重亟宜傳付得人茲奉 兩宮皇太后懿旨醇親王奕譞之子

載灃著承繼文宗顯皇帝為子入承大統為嗣皇帝嗣皇帝仁孝聰明必

能欽承付託 天生民而立之君使司牧之惟日矢憂勤惕厲知人安民永保

我不基並荐養兩宮 皇太后仰慰 慈懷兼願中外文武臣僚共矢

公忠各勤厥職用輔嗣皇帝卸隆之治則朕懷藉慰矣喪服仍依舊制二

十七日而除布告天下咸使聞知

兩宮皇太后懿旨 皇帝龍馭上賓未有儲養不得已以醇親王奕譞之子

載灃承繼 文宗顯皇帝為子入承大統為嗣皇帝俟嗣皇帝生有皇

子即承繼 大行皇帝為嗣

嗣皇帝諭曰本月初五日酉刻 大行皇帝龍馭上賓朕親奉

慈安端裕康慶皇太后

慈禧端佑康頤皇太后懿旨入承大統墮地呼天攀號莫及伏念 大行皇

帝御宇十有三年祇承 家法上稟 慈謨簡任親墮削平巨寇民生國

計時繫宸表凡有血氣者悲哀感戀固不出於至誠朕之泣血椎心尚
忍言乎惟思付託至重責在藐躬尚賴內外文武大小臣工共矢公忠弼予
郵治各直省督撫務當撫輯斯民以仰慰 大行皇帝在天之靈至喪
服之制 大行遺詔令依舊制二十七日而除朕心實所不忍仍當恪遵古
制敬行三年之喪其天下臣民應持服制仍照定例行將此通諭中外知

兩宮皇太后懿旨命醇親王恭親王醇親王科爾沁博多勒噶台親王伯彥
訥謨祜貝勒奕劻固倫額駙公景壽大學士寶馨吏部尚書英桂禮部尚
書靈桂工部尚書李鴻藻恭理喪儀

兩宮皇太后懿旨李德立莊守和均撤銷京堂去頂翎

詔敬遵道光二十六年三月 皇祖宣宗成皇帝諭旨以二名不編諱將御

名上一字仍舊書寫無庸改避下一字缺寫末一筆書作泔字

詔仍遵成例各省將軍督撫都統副都統提鎮城守尉盛京侍郎奉天

府尹西北兩路將軍大臣及學政鹽政織造關差等均不必來京叩謁

禱官

初七日丙子曜敷蘇 殷芻庭送來廣東新刻四庫總目一部即

復書將去文字一通

邱鈔

兩宮皇太后懿旨惇親王奕諒等奏請撤銷前次恩賞一摺所奏出於至誠

著照所請所有十一月十五日加賞該王大臣等恩旨著即撤銷其王公及京

外大小官員所賞加二級一併撤銷

兩宮皇太后懿旨本日據醇親王奕譞奏舊疾復發懇請曲賜裕全一摺情詞懇摯出於至誠應如何酌理準情折衷至當之處著王公大學士六部九卿悉心妥議具奏

初八日丁丑晨散哩上下後露

潘孺初來借去予雜文三冊 缺

民來言已送館爛胡術李氏

夜校晉書前涼張軌傳至張駿傳

止 閱四庫總目經部書詩類及子部小說類

邸鈔

詔本日據王公大學士六部九卿等奏請籲懇兩宮

皇太后垂簾聽政一摺朕恭呈 慈覽欽奉

慈安端裕康慶皇太后

慈禧端佑康頤皇太后懿旨覽王大臣等所奏更覺悲痛莫釋垂簾之舉本屬一時權宜惟念嗣皇帝尚在沖齡時事多艱王大臣等不能無所稟承不得已姑如所請一俟嗣皇帝典學有成即行歸政

詔 大行皇帝宜上尊謚廟號著大學士九卿詳察典禮敬謹具

奏

兩宮皇太后懿旨三海一切工程無論已修未修均即行停止

兩宮皇太后懿旨御史余上華奏請將醫員王予屏斥治罪一摺 大行皇帝天

花李德五等未能力圖保護厥咎甚重太醫院左院判李德五右院判莊守

和均即行革職戴罪當差

詔直隸通永鎮總兵周得勝照總兵在營積勞病故例議卹從李鴻章

奏請也以

唐王廉為通永鎮總兵

初九日戊寅暝

校張重華傳至張天錫傳一卷訖又校西涼武

昭王李嵩傳一卷

閱四庫總目史部正史類編年類

郎鈔

詔改元光緒

初十日己卯暝風

校晉書孝友傳一卷忠義傳一卷孝友傳中如

劉殷王延後皆仕於劉聰王伯厚以為譏然晉人如王祥何曾荀顛皆

備至孝而皆不忠於魏曾顛至依晉以傾魏於殷延何責焉祥與延

皆為後母所虐皆有盛冬求魚得於父上之事而延能死劉氏斬準

皆為後母所虐皆有盛冬求魚得於父上之事而延能死劉氏斬準

之難效子胥抉目之言較之休徵加一等矣 嵇紹與王裒不可同
年語也裒父儀雖為司馬昭所殺然裒本昭之司馬因軍敗不自請
罪而反歸罪於昭因以致死非不順昭者也裒本可以仕而不肯仕所
以為孝也紹父康則以不黨司馬氏而死紹之所處當與諸葛靚同
觀靚之事則紹必不可為晉臣矣山濤勸紹以仕此竹林之積風清談
之結習也紹幸以一死蓋之既仕則宜死也晉書以裒入孝友以紹入忠義
而論中以兩人並衡謂趣異而理同又引左傳天可鑿乎之言非也守父之
志而不仕安得謂之譬乎 嵇含之弔莊周文可為破一代之膏肓積
末流之毛髮與王沈之釋時論魯褒之錢神論皆有晉之著龜也孝
世不綱險詖傾倒千古一轍讀之可歎

十一日庚辰暝 寒甚右手五指皆瘃裂不能校書擁爐坐聽事
南榮梳頭閱四庫總目小學類 夜校晉書王遊至宋序傳一卷
適以功名終未嘗敗衄不當入此卷中羊鑿一無事迹惟有討徐龕一
事不足去傳也

郎鈔

詔列聖尊諡未加至二十三字 列后尊諡未加至十六字者均應恭議尊

崇該衙門詳稽典禮敬擬奏聞

詔各省督撫鹽政織造關差停止貢獻方物俟三年之後再候諭旨

詔沈葆楨等奏請將福建巡撫移劄臺灣以專責成一摺著該衙門議

奏 部議如所奏得旨允行

前任湖北巡撫曾國荃應召至京

十二日辛巳曜 校晉書陳壽至習鑿齒傳一卷顧和至王稚
傳一卷 是日付盆花支架錢一千白灰火鑪錢一千八百

邱鈔

詔署兩江總督劉坤一兼署辦理通商事務大臣

十三日壬午曜酉初三刻十二分大寒十二月中 校晉書王恭

至楊佺期傳一卷劉毅至魏詠之傳一卷 晉書劉毅傳載毅

罷江州軍府之奏下云於是解悅毅移鎮豫章悅者庾悅也按宋書

庾悅傳作解悅都督將軍官移鎮豫章宋書是也移鎮豫章者乃

悅而非毅悅本以建威將軍兼督豫州司州等六郡為江州刺史治

州毅以其時所督軍府鱗次而江州地險民疲置軍多費故奏罷之而

悅遂解將軍及所督豫司兩州之郡但以江州刺史移鎮豫章本江州

豫章

所屬郡也晉代以來刺史兼都督者得專生殺其次為監皆持節而

往以此州刺史兼督彼州其權重有至八州十州十六州者而各州仍各

有刺史又一州所屬之郡亦彼此分割有一州而數人分督之者并有

一郡而數人兼督之者其別有使持節都督持節督假節監三等

悅雖解軍府而刺史如故故宋書下云悅不得志直發背到豫章少日

卒也毅本以都督豫州揚州為豫州刺史鎮始孰

晉屬于湘縣今安徽太平府當塗縣

地逼

建康雖名藩鎮實執朝權故劉裕討盧循以毅知內外留事又轉衛

將軍開府儀同三司江州都督乃加督江州而非在江州也故毅奏有所

統江州之語其後毅為都督荆甯秦雍司

晉書誤作四從錢
次大所說改正

州荆州刺史始去

朝廷故下云既出西藩雖上流分陝而頓失內權也若豫章則在晉時為

外郡非形勝之地豈得以毅居之而晉書又云奪悅豫章何其謬也唐人

修晉書不明當時官制偵倒增改於前後事語亦不一相檢覈蓋官

書之疏史館之陋向來如是至毅此奏雖銜庾悅夙恨然其言實切

事勢不媿經國故晉宋書皆全載之毅備經悅挫辱而此奏尚稱悅

甚有恤民

晉書作恤隱
唐避太宗諱

之誠且僅解其軍府不失以直報怨晉書謂其

褊躁如此以毅與裕不平而悅為裕黨故宋人歸罪於毅而唐人誥

之此又讀史者所當知也

邱鈔恭理喪儀王大臣奏

大行皇帝梓宮於二十一日移殯觀德殿

十四日癸未暝 雜校晉書

比夕月甚皎而寒不可即今

夜為佳庭中裏回久之

邱鈔

詔王大臣等再疏奏三年之喪難以舉行請仍依舊制朕哀慟雖深亦何敢
有違成憲不得已勉從所請編素百日仍素服二十七日該王大臣等不必再
行瀆請

兩宮皇太后懿旨王公大學士六部九卿議奏醇親王奕譞因傷痛過甚觸發
舊疾哀懇出於至誠請將所管各項差使均予開除惟每年 東陵 西
陵應行致祭時仍請飭宗人府開列該王銜每月朔望暨元旦各節及

列聖列后忌辰誕辰應詣 奉先殿行禮恭懸恭收 聖容應詣 壽皇殿
行禮並 大高殿等處拜表仍照向例輪流行禮遇 皇帝升殿及
皇帝萬壽均請毋庸隨班行禮如遇朝廷大政仍宜時備顧問倘有條
奏事件亦可於 兩宮前呈遞等語均著照所請行至每年七月十月
萬壽及元旦令節皇帝行禮時毋庸隨班慶賀均著詣壽康宮行
禮該王公忠體國懋著賢勞自應量予恩施著以親王世襲罔替用
示優異另片奏苦陀峪工程重大請仍飭該王照料等語即著該王
隨時前往妥為照料

詔派伯彥訥謨祐景壽管理神機營事務伯彥訥謨祐佩帶該營印
鑰醇親王辦理多年經武整軍 若有成效仍將應辦事宜隨時會商

貝勒

載治代進醇親王內大臣班並帶領後扈 德長管理行營事務

蕭王

修懃補授正黃旗領侍衛內大臣 慶至補授閱兵大臣 景壽調補正

黃旗滿洲都統英桂調補正紅旗滿洲都統 魁齡補授鑲紅旗漢軍

都統 御前侍衛護軍統領 克興阿管理御鳥槍處事務 世鐸奕劻管理火器營事務

伯秀訥謀祐毋庸管理 明慶管理善撲營事務 棍楚克林沁管

理虎槍統領事務

上諭御史陳彝奏儒臣品誼有虧據實參劾一摺翰林院侍講王慶祺

於同治九年伊父王祖培在江西途次病故該員赴贛州見喪後站不迅

連扶柩回籍輒即前往廣東經該省大吏助以川資實屬忘親嗜利又

上年為河南考官出闈後改服治游似此素行有虧亟應從嚴懲辦王

廢祺著即行革職永不叙用以肅官方

十五日甲申哩 得五月坡十月中旬仙居書 作書致牧莊借以

世說及文選芻證 作片致吳玉粟詢月坡信件 裝釘乙丑

至今年日記共十五冊分為兩函今日標寫籤附頗極精整 得

牧莊復 閱汪龍莊先生史姓韻編近年江甯書局活字版

印行者也其中於紀傳附見名氏偏落甚多亦頗有謫失如晉之

高平郝氏謀從謫本作郝收入入聲不知郝乃御之俗字晉書音義

尚能明言之郝與御迥不同也 夜月聖閱李中著地理韻編近

年合肥李氏所刻者

邱鈔

漢之書將重
魏之母邱儉
皆音無而
俱收上聲
二十五有作
母

上諭本日禮部奏登極日期及頒詔典禮一摺覽奏益增感慟惟念

大行皇帝以祖宗丕緒傳付朕躬勉從所請以明年為光緒元年依鈔

天監所擇吉日於正月二十日戊午卯時舉行登極頒詔鉅典

兩宮皇太后懿旨大行皇帝山陵派恭親王奕訢醇親王奕譞魁齡榮祿

翁同龢於東陵西陵附近地方察看形勢敬謹相度醇親王奕譞魁

齡榮祿翁同龢前往履勘

兩宮皇太后懿旨醇親王奕譞奏懇辭世襲罔替親王一摺覽奏具見悃忱該

王惟當恪遵前旨毋庸因辭

兩宮皇太后懿旨補派寧郡王奕譞恭理喪儀

上諭伯彥訥謨祜奏請簡派近支親王佩帶印鑰一摺神機營印鑰仍

著伯彥訥謨祜佩帶毋庸固辭

詔怡親王載敦補授內大臣

詔悼親王恭親王孚郡王仍依咸豐十一年 大行皇帝諭旨除朝會大典

應遵定例行禮外其尋常召對以及三七月後內廷宴賚均免叩拜遇

有賞賜物件具摺謝恩毋庸當面叩首除朝祭大典外其餘諭旨並各

衙門奏摺祇書王號毋庸書名

十六日己酉暝 雜校晉書 郡中新到瓦甜子價甚貴買少許

亨之以供晚煢故鄉風味覺甚美也此亦雅所謂魅糖說文所謂魅蛤

一名復索復索蓋亦以其虛殼之形狀名之以其層複索也如今人謂之

瓦櫛子 夜作書致董芸龕詢今日內閣所上 謚號得復 夜雪教雪

郎鈔內閣會奏擬上

大行皇帝廟號尊謚

徽稱十字擬繼天開運受中居正保大定功聖智誠孝信敏恭寬
內議定謚為繼天開運受中居正保大定功聖智誠孝信敏恭寬

毅皇帝

廟號穆宗

十七日丙戌暝有風

阮酉生來

同鄉馬家鼎來不見

校晉

書羊祜杜預傳一卷陳寯裴秀裴頠

魚豉切以對音求之當讀若體上聲今讀若危上聲以類隔切之也

裴楷

等傳一卷

邸鈔

詔前奉 大行皇帝諭旨崇上

兩宮皇太后徽號未及舉行

兩宮皇太后悲感之際諭令停止朕以大行皇帝孝思眈摯仰求

慈懷曲體再三籲懇始荷 允行朕欽奉 懿旨入承大統並應恪遵

成憲恭上

兩宮皇太后徽號以繼隆規一切應行典禮著王公大學士九卿議奏

兩宮皇太后懿旨明年元旦毋庸詣慈甯宮進表行禮皇帝尚在二十七

日期內並停止升殿

十八日亥暝

作書致緘文約明日示飲

作致季弟書并寄去近

日郎鈔十五本交輪船局寄去 得絨丈後 再得絨丈書

羊辛楷來 夜得絨丈書借開元古經即復 作書致牧莊

約明日小飲 校晉書衛瓘衛恒衛玠張華劉卞傳一卷華傳後

載諸瑣事極為可厭

十九日戊子哩 本生祖父生日供饋 作書約孺初今晡小飲

絨丈來 孺初來 牧莊來 殷莠庭來即去 晡後小設借

絨丈孺初牧莊梅卿共飲至晚而椒借牧莊夜談至人定時去

郎鈔

上諭大學士九卿會同議上

大行皇帝尊諡曰毅皇帝廟號曰穆宗上配 列聖同為百世不祧之廟所

議詳慎公允於

大行皇帝綏猷建極之宏模洵相符合深協朕懷此天下萬世之公論非朕一人哀慕尊崇之私願亦非臣下尊親頌美之私情也謹據所奏恭上尊謚廟號所有應行典禮該部敬稽成例以聞

兩宮皇太后懿旨皇后作配 大行皇帝懋著坤儀著封為嘉順皇后 皇貴妃侍奉 大行皇帝夙昭淑慎著封為毅宜皇貴妃所有應行典禮各該衙門查例辦理

懿旨戒諭各省督撫實心任事考覈屬員整頓武備

懿旨戒諭中外臣工九卿科道有言事之責者據實直陳時政並崇節
檢戒因循值班王大臣嚴稽門衛

庫倫辦事大臣正白旗蒙古副都統張廷岳卒

子德成勤

詔張廷岳由印務參領擢任在庫倫多年籌辦防剿悉協機宜茲聞

疾逝殊深軫惜加恩照都統例賜卹准其入城治喪賞銀五百兩由庫

倫給發伊子工部郎中張國正俟服闋後以知府即選用示篤念蓋臣至意

以副都統銜志剛為庫倫掌印辦事大臣馳驛前往

二十日己丑晨醒上午需午復醒 得紱丈書以昨日小集賦詩二

首見跡符偕日記即復 有安州人陳 來此人湖北布政使

榮 康恆至辰進士與先中書公同入 禮部尚書息華 雍正甲辰狀元之六世孫也不晤而

去 手瘰癧痛甚至晚始稍能閱書作字 黃昏鏗下和紱翁詩

韻即寫送之得復 夜初夏後風起

北夢星年入夏日已

甲集第卷二集

五

緘縵堂雜著

東坡先生生日招潘紱庭封翁潘孺初戶部存張牧莊舍人小

集寓齋紱大賦詩見贈即用元韻奉荅二首

當○年○上○壽○祖○庭○時○笑○共○坡○翁○晉○一○卮○先本生王父與坡公同生日千○歲○自○飛○遠○海○鶴○

雙○龕○戲○配○水○仙○祠○欄○前○梅○萼○依○燈○豔○雪○裏○茶○烟○出○戶○遲○屈○指○滄○桑○

人○事○改○家○風○傳○視○不○勝○思○

臥○病○經○年○傷○鳳○城○典○衣○買○酒○了○浮○生○清○芬○述○祖○差○無○忝○老○輩○如○公○

尚○有○情○大○雅○詩○壇○應○繼○迹○聞○官○朝○籍○孰○知○名○孺初牧莊及梅卿與紫裘吹予皆需次在都

笛○非○君○事○同○飽○節○堂○玉○糝○羹○

附紱文原作

妙手今無李伯時海天笠履最相思十年若箇真傳髓三徑能

來共倒危石鼎篆烟飄細細
瓶梅藥放遲遲一冬正
所連番

雪好賦火又疊韻詩

少歲才華最有名
老來終日擁書城
居然小集皆風雅
偶得新

詩總性情孤鶴南飛人不見
大江東去月無聲
紙窗竹屋盤桓處

清福真堪了一生

鈔鈔

明年元旦暫御青長袍
褂冠綴纓緯詣兩宮
皇太后前請安王公大臣
及文武官員均穿青長袍
褂一日站帽綴纓緯是日詣
觀德殿几筵前行禮
御青長袍褂冠摘纓緯
停止舉衣几筵前執事人
等均仍服編素

上諭李鴻藻等奏請開去弘德殿差使一摺
李鴻藻徐桐翁同龢廣壽均開

去弘德殿行走差使

二十一日庚寅暝終日大風

得紱丈書還日記即復

校晉書宗室

安平獻王字至任威景王陵傳一卷

二十二日辛卯暝

得族弟竹樓十月杪家書

得吳清卿奏中書

并饋歲銀十二兩由汪柵門送來即作片復柵門橋其使一千

校

晉書夏侯湛傳潘岳傳

邸鈔

太子少保工部左侍郎明善卒

七年正月 子謹勤恪

詔明善由內務府司員請升卿貳補授總管內務府大臣辦事熟練克勤厥職

恭聞溢逝乾惜殊深加恩賞給陀羅經被晉贈太子太保銜照尚書例賜卹

以理藩院左侍郎成林為工部左侍郎以內閣學士德椿為理藩院左侍郎

二十三日壬辰暉 補付是月賃屋銀四兩付供像春鏗錢十千 劉仙

洲邀飲并游席市不赴張映民來不昭 祭竈具花賜結馬送之

校晉書潘尼傳張載張協傳共一卷訖比日平塚坼裂右五指俱腫
不能作字至夜始稍可握管耳

二十四日癸巳暉大風至晡後稍止 得潘伯寅書以長興臧壽慈伯

辰春秋左氏古義六卷屬校并與湘陰郭嵩燾禮記鄭注質疑中庸

章句質疑各誤一跋饋銀三十兩即復稿共使六千 作書致

潘孺初還官本晉書十冊

郵鈔

越縵堂雜著

以盛京刑部侍郎銘安為朝鮮頒 遺詔正使委散秩大臣正瑞為副使
戶部郎中瑞斌授山西汾州府知府

二十五日甲午暝 閱困學紀聞 買長卓子一旨度書付直十

三十

二十六日乙未暝 為伯寅校藏壽卷眉卿春秋左傳古讀得三卷

其書於經文之有漢儒舊說者皆采而存之附以案語多本之漢志
說文五經異義及左傳正義大旨主駁杜氏以復左氏經之舊然不輕改
經文頗為謹嚴又往三據經典釋文參互攷證以知三傳經文今本多
有轉相竄改之誤亦阮氏校勘所未及其人通算學據三統術以攷
歲星超辰及朔閏積分之法亦較諸家為密也 是日料理伏臘賽

神之費付岑福錢五十千買市中雜物 夜三更時交丑正

祀門行五祀之神儲梅卿合賽

部鈔

兩宮皇太后懿旨御史李宏謨奏特參內務府不職官員一摺總管內務府

大臣賁寶前據御史孫鳳翔奏參李光昭報劾木植一案該員蒙混具

稿呈堂入奏管經部議革職總管內務府大臣文錫前據御史張景青奏

參該員承辦公事巧於營私曾經撤去一切差使該二員本屬聲名平

常不能稱職之員賁寶文錫均著即行革職

疏云親君子遠人為今日第一急務而今日所共稱也君子若則有惡京不辭御部桂清今日所共稱也小人若某如德

兩宮皇太后懿旨我朝 列聖家法相承整飭官守綱紀至嚴乃近來太

監中竟有膽大妄為不安本分甚或遇事招搖與內務府官員因緣為

奸種種營私舞弊實堪痛恨所有情罪尤重之總管太監張得喜孟
忠吉頂帶太監周增壽均著即行斥革發往黑龍江給官兵為奴遇赦
不赦頂帶太監梁吉慶王得喜著一併斥革與太監任延壽薛進壽
均著故事房從重板責交總管內務府大臣發往吳甸鋤草以示懲儆
茲著內務府大臣查明該衙門官員中有結交太監通同作弊等劣員
即行據實指名嚴參倘敢瞻徇情面竟存護庇別經發覺定准總
管內務府大臣是問

上諭御史李桂林奏請將丁憂道員破格畱用一摺前任直隸天津道丁壽昌
既據奏稱該員潔己愛民與情感戴著俟百日孝滿後準其畱於直隸交
李鴻章差遣委用

上諭給事中郭從矩奏上年磨勘試卷顯違定章請飭釐正一摺上年

鄉試舉人徐景春等試卷既因文理荒謬經磨勘發出應議業已照

例辦理何得另議更張嗣後鄉會試考官當認真校閱不得以空疏之

卷濫竽充數亦不得因字句小疵將佳卷屏斥不錄致屈真才磨勘各

官仍當平心校勘毋得有意吹求

其疏直參禮部侍郎黃偉之倡議從重梁僧寶之妄事條陳惟恐為徐景春訟冤謂公等二字拆開是為謬非荒謬則不也

二十七日丙申 暉 予生日 梅卿姬人饋蓮子茶湯橋使二千

諸僕媪敬壽各賦以糕餠并錢胡升二千胡元三千岑福二千陳媪

二千更夫一千

邱鈔

上諭御史袁承業奏請疏通正途人員酌復捐納舊例址尋常勞績保舉宜

北芳星年

甲集第二集

七

蘇漫坐雜著

示限制各摺片著該部議奏

其疏專為即用進士補缺而後又請補例俱用正數實銀已捐者收數補足蓋亦甚多人習於市僧之乞不知有國體也夫謂必富人報捐始能議於庶民直惡心病狂之言疏中文理不通多有可笑

二十八日丁酉午正初刻十四分五春明年正月節哩

祀財神祝曰

乞為有用之文足以潤身無求於人 祀大神祝曰乞以光明之體張

文章之氣修身學禮以享精意 殷萼庭來送潤筆銀十兩以

酬以鄭姬志銘也此文本非百金不可予前年曾向做五十金未還今

年又送四庫提要一部翁注困學紀聞一部價亦約直十金既為知好

將就而已 萼庭饋予生日饅頭糕使二十 署吏送冬季養

廉銀十六兩來賞以車錢三千 兩日來指裂不能作字今日少

可自力校晉書江統江彪江惇傳

郎鈔

上恭太常寺少卿周瑞清奏故員夙著勳勞請給予卹典一摺降調
廣東巡撫前任山西按察使蔣益澧前在湖北江西等省剿賊極為得
力移師廣西迭復堅城盪平巨匪迨統兵援浙奮勇力戰所向有功
本年夏間 大行皇帝垂念前功令其來京陛見方將量加擢用乃
以力疾來京遽爾溘逝殊堪軫惜將益澧著開復原官照巡撫例賜

卹生平政績宣付史館立傳

蔣益澧者湖南湘鄉人質民子與其父俱無賴為盜賊積犯
案三揚州人朱孫詒知湘鄉縣捕其父子誦德之置之去籠

將神擊之其黨潛入署放益澧出得免而其父竟亦道先未與寇廷益澧板羅澤南管為勇丁火夫
一日營中出戰敗兵勇皆逃益澧獨在後澤南者之據以為勇未戰戰有功澤南賞以把總不受再戰于
于總又不受因請換文職乃改保縣丞不數年為廣西道員旋擢布政使時年未三十也遊騎縱扶制皆
撫諭身文吏中允李載熙為廣西學政益澧盡悔之嘗曰若六指官耳不足為我與年載熙積不隳疏
劾其官餉缺民狀後降為道員旋督按察使國治政元嗣浙江按察使統兵援浙屬兵巡撫左宗棠宗
棠箱束之嚴校戰頗盡力杭州之復益澧之功也治晉布政使而宗棠遂去益澧理巡撫後巡撫馬新貽
至益澧視之益如也於是專於事操甚賄賂不行府州縣吏補署皆有定價以始輕學政而被劾也乃偽
禮貌承官宦之至若必厚賤之而杭之士子多受達好奔競爭走其門偵弟子亦頗得其效利於是

此書是年八月己
越編坐雜著

朝官及會試之舉人則懸之坐負無不稱頌蔣布政者性奢侈每出則以紅頂黃馬褂者數人扶輿又
好男色官吏皆重者新衣以見之其年少得軍功及捐班之吏多被污辱即犯土之輕俊者亦不免焉
及御史陳廷經編修蔡壽祺勅其粗悞不宜為方面監司之官益憤憤甚上書總督左宗棠乞代表
請政為武職宗棠被書慰籍之甚厚有曰陳蔡之厄難鳴狗吠不足介懷也益憤甚甚出其書編
示坐客予時在坐親見之也五年遷廣東巡撫與總督瑞麟爭衡官廳臺相怒置各引朋黨文紅
不已上疏立許瑞麟有與援益憤遂左降去今年夏以臺灣有倭警中詔密臣曾國荃楊岳
斌閻敬銘丁日昌鮑超劉銘傳及益憤等八人各題益憤獨先至體肥甚不能行須兩人扶掖之會
穆宗已病不得召見益憤寓居法源寺日映之而朝官多往向索之益憤不能應一夕暴疾歿
其請印也宜出於湖南督撫故立功之省若浙江廣西等督撫言之如其死於京師則宜吏部為之奏
聞周瑞清者廣西臨桂人為軍機章京領班獨汲先疏言之蓋因亦寒人在廣西時或亦受其非翼者耳

上諭

前據御史李桂林奏丁憂前任直隸天津道丁壽昌潔已愛民懇請破

格畱用當將該員畱於直隸差委茲據太常寺少卿周瑞清奏丁憂人員

例應終制請飭該員回籍等語丁壽昌係畱於直隸差遣委用豈非實缺可

比所奏著毋庸議

丁壽昌若舍肥舉人由軍功至令官李桂林直隸鹽山人其時疏三番而瑞清所奏駁之內不
知其何意也時有兩丁壽昌一山西進士由御史為嚴州知府已年又有兩同壽昌一肥人貴州總兵

浙江巡撫楊昌濬奏餘杭縣在籍布政使銜山東鹽運使鄭蘭之母沈氏現

年八十三歲有子一人孫三人曾孫八人元孫一人五世同堂請 旨旌表

禮部議奏

例載三品以上文武大員之父母或耆老百齡五世同堂例得建坊給匾若請旨旌表內閣擬字進呈

二十九日戊戌小盡歲除暉 早起恭懸 先人三代神位圖 迎窳

神 還年債付米錢六十四千石炭錢六千五百廣益公鋪乾果

錢六十八千廣和居酒食銀四兩八錢太豐樓酒食錢二十四千三百 賞僕

媪壓歲錢峇福十千 姬人加賞四千 陳媪十五千加賞四千 姬人加賞三千 胡升

四千胡元四千胡氏兩媪六千更夫三千車夫二千胡升之婦金搨絲束敏

賞八千 賞各長班全浙館一千鄉祠二千邑館二千直省庚午科二千浙

福庚午科一千本司茶房二千皮衣賞三千是卒三千 晚祀 先以豚

肩雞鳧魚四大盞雞蛤之屬四盞素饌四盞火酹一器年糕一盤角黍一

盤添桌一盤匙兩盤醬兩盤時果四盤蓮子湯一巡酒三巡飯兩巡至夜
一更而畢焚楮錢四千 祀屋之故主 是日買卓子一几二付錢六千
詔梅卿孩子壓嚴錢四百

邱鈔山東巡撫丁寶楨奏按察使長賡患病懇請開缺調理
許之以前江蘇按察使陳士杰為山東按察使

榮安固倫公主蒙

文宗女也

麗貴妃所生也

文宗上一女改稱大公主去年下嫁額駙符珍

兩宮皇太后懿旨公主性成淑孝敬慎柔嘉慈闈莫逝憫惻實深即日親往賜
奠所有應行事宜該衙門察例辦理

光緒元年太歲在旃蒙大淵獻正月月在厲敵元日己亥曜警和煦

予年四十七歲

晨起拜竈神啟

先人神位

書春勝曰光緒

元年瑞蒙大淵獻正始建極受福於天靈臺伯偃以享萬億惟吳
越之民濫迹朝貫食文章之力願日益其餐錢致身於西清東觀
以無負吾筆 今年以國邸罷元會臣民皆不相賀新年九衢

索然無一車馬寓室內外凝塵湛如偕習卿聞語

梅卿之姬

人及吳升之婦金釀絲來張姬留之食

夜擲采選格再周予

首擲得全紅

讀左傳正義

先像前饗供湯圓晚以茶

師鈔

命吏部尚書英桂兵部尚書沈桂芬俱協辦大學士

初二日庚子晨暝上午後數陰 以餅餠供 先 都中今日祀

財神復隨俗買豚肩祀之祝曰維 帝改元小臣求福三日再祭繹而

非贖豚蹄壺酒神饗其必 梅卿以所作河傳十二月閏詞送閏

略點改還之 作片致殷筭庭饋以豚肉及雞卵餠 讀左傳

正義

初三日辛丑暝 以燭年糕供 先 作書致雅齋以家中樂修

族譜催其將在鄰支派名第開列寄回 偕梅卿間語小食 得

雅齋復 讀左傳正義 夜再擲采選格姬人一擲得全紅

初四日壬寅密雪大作至午後積寸許哺數晴 以紗帽餠子供

先 校藏氏春秋左傳古禮一卷 夜得絃文書饋所製饅頭十

枚即復謝報以紗帽餃子一椀

讀左傳正義

今日有客來

言朱修伯病卒修伯名學勤杭州之塘棲人其父名以升道光丙戌進士官直隸知縣以經學名修伯承其家學頗知探討聚書甚多而精成豐癸丑進士由庶吉士改戶部主事入直軍機章京房不數年為領班官至宗人府府丞丁母憂服闋仍直軍機房久不補官去冬十一月始補大理寺卿而遽卒年甫五十耳其在軍機也深為恭邸所眷十餘年來聲氣灼甚外吏爭走其門曾湘鄉左湘陰諸公皆深惡之然其人尚自檢較好與文士游予識之在同治初時方以戶部郎中丁父憂及此次入都相見亦甚致殷勤予以其居要津不甚吝也今聞其歿為悵然蓋此人猶能讀書習掌故在軍機中自勝餘人又其儲藏既富可以暫相

借讀今則并此等人亦無之矣

初五日癸卯 聖 袁爽秋來久談 祀先以六益加大酬 閱

四庫提要史部傳記類雜史類 讀左傳正義

邱鈔

上諭

御史王榮瑄奏敬陳官見一摺外省督撫遇有地方差委事宜不得率調他

省人員以杜奔競京員勞績保舉務當核實請獎不准驟保越級升階致滋

流弊冒濫漕糧征收折色豈容該州縣任意浮收姑私去樣盤名目強取于民

嗣後著該督撫核定折征價直先期曉示並將樣盤名目永遠禁革以恤民

生上年黃流漫溢下注江境現籌築隄堵禦至大清河南北舊河及利津縣

杜壩口河道應如何設法疏濬以分水勢之處著下寶楨通籌全局妥為辦理

上諭御史王去清奏辦理整鹽各局請明定章程等語各省抽釐分局及江皖

兩湖等省督銷兩淮票鹽分局該州縣往往以本籍紳士經營弊竇叢生

亟宜嚴行禁止著各該省督撫及鹽政衙門嗣後委辦整鹽各分局不准用

本州本縣紳士其已委者即行裁撤並將委員職名籍貫年終報部以憑查

核

上諭御史游百川奏丁憂人員留省差委宜防流弊一摺前任直隸天津道

丁壽昌據御史李桂林奏稱輿情感戴是以允其所請嗣後丁憂人員

均不得援以為例

據案吏部名姓丁前係留世方官能陸四五年嘉慶六年慶年旨嚴禁此天津人吏部立事查此等光差

上諭翰林院侍講楊紹和奏請將捐輸加廣之案概行停止並將已加學額

飭議核減暨整頓各省營務又據御史王崇瑄奏學額宜慎請飭從嚴

此等聖旨已 中華書局影印 越縵堂雜著

核減各一摺均著該部議奏

初六日甲辰暝 潘星齋丈來久談畱小飲而去 得故丈書借道

古堂集 校臧氏春秋左氏古義一卷共六卷訖所載實止經文據

其門人楊岷跋言臧氏本以經傳分編先為經文後為傳文未成而卒經

自昭公二十三年^年以後亦全闕岷為之補完則此書當題曰左氏春秋古^經誼攷今

之所名殊未妥也其列三家經文異同多以趙寬夫春秋異文變為藍本

而約略其語其采掇骨服願諸家古義亦遠不如李次白春秋左傳骨服

注輯述之詳然其長處亦不可沒予前已論之

初七日己巳暝有風 梳頭 鄉人張景藩父子來見 出門答拜

潘星文跋文及朱偉侯殷萼庭張芝圃袁乘秋羊辛楮詣劉鑄山師俱

不晤至琉璃廠大神廟閱書攤遇牧莊及許竹簣袁爽秋羊萃楮魯
芝友楊惺吾復借牧莊閱廠市至宜文齋購殿版通典實名齋購
殿版南北史俱索五十金購授堂所著書共兩函武虛谷經說三種及
金石跋詩文集也楊氏以增所刻者亦不成以錢十千買李氏富孫說文辨
字正俗薛氏說文蒼閣疏謚又從寶森購得洪氏堂所輯元和姓纂而
歸 得伯寅書饋龍井茶葉四瓶即復謝稿使二千 再得伯
寅書贈馬氏玉函山房輯佚書一部共十四函可感之至再復書謝稿
使四千

目耕帖一部

初八日丙午暝

姬人詣廠向買燈籠花供數枝而歸

得絨

夫書還道古堂集即復

閱目耕帖共三十一卷歷城馬氏國翰竹吾

所著乃其經說之屬為易六卷書六卷詩十卷周禮九卷無序無目錄
蓋未全之本也其書多最錄前人之說間附己意揆其命名蓋以目涉而
記之帖若取唐人明經試帖格之意謙辭也

初九日丁未暝大風 得星文書 作書請劉鶴山師十二日小飲寓

齋 作書請星文跋文十二日小飲 孫鏡江來 得星文復 得伯

寅書即復 再得伯寅書贈陳氏明紀一部即復謝橋使三平明紀

明紀共六十卷元和陳工部鶴謨起元至正十一年至莊烈崇禎元年未訖

彙而卒其孫中書克家續成之莊烈以後附以福王始末唐王始末桂王

始末唐桂二王兩卷皆依一格書之從 御批通鑑輯覽附書唐桂例也克

家更為攷異若干卷言去取之意尚臧彙未刻

部鈔

詔善陀峪萬年吉地工程派副都統景瑞會同辦理

初十日戊申醒上午後有風

作書致胡石查

得伯寅書贈秀

水杜文瀾所輯古韻彙一部共一百卷文瀾以諸生從戎今為江蘇候補道署署兩司閩其精於詞律有補正為紅友之作此書雖體例紛糅出入任意然以經史子集分編采取博洽亦可觀矣 再得伯寅書即

復 滌紫泉來不晤

汪柳門來

胡石查來皆暢談終日

夜作春秋左氏古義序即致書伯寅

得紱文書即復

十一日己酉醒

先妣生日供饋子三簋大餅一器饅頭兩盤紗帽餃子

兩盤春酪一巡酒麵一巡酒三巡茶四巡時果四盤晡後畢事

得伯寅

書即復 再得伯寅書贈河南所刻經苑一部共十二函即復謝 經

苑若錢衍石所校定唐宋人經解為通志堂所未有者共四十二種錢氏主

講河南大梁書院時張布政日晏王按察簡楊兵備以增張後官雲南巡撫

楊後官南河總督等句寶刻之開工於道光乙巳秋至庚戌夏得二十五種而衍石

卒遂輟工今所有止二十五種也宋司馬光溫公易說六卷宋張根英園易解

九卷宋楊萬里誠齋易傳二十卷宋徐總幹易傳四卷元黃澤易學濫觴

一卷宋鄭伯熊敷文書說一卷宋黃倫尚書精義五十卷宋趙善湘洪範統一

一卷宋王質詩總聞二十卷宋呂祖謙呂氏家塾讀詩記三十卷宋戴溪續讀

詩記三卷宋王安石周官新義十六卷附二卷宋李如圭儀禮集釋三十卷釋官

一卷唐陸淳春秋集傳纂例十卷春秋微旨三卷宋蘇轍春秋集解十二卷宋

朱熹考經刊誤一卷明呂維祺考經本義二卷考經或問三卷考經翼一卷
宋鄭汝諧論語意原四卷宋熙時子孟子外篇注一卷元許謙讀四書叢說
七卷元熊朋來琴譜六卷其張徐黃之易朱呂之考經亦徒定梨棗者矣
原訂目錄中有朱子儀禮經傳通解三十七卷黃幹等續二十九卷黃震讀禮
記日鈔十六卷吳陸禮記纂言三十六卷陳祥道禮書一百五十卷陳陽樂書
二百卷皆未及刻則可惜也 得鈔文書即復 夜再得鈔文書借

南宋雜事詩即復 得五月坡十月廿五日仙居書

邱鈔

上諭

沈葆楨奏請將開山出力員弁獎勵一摺福建臺灣府番地經沈葆楨
等督率文武員弁次第開闢漸著成效在事各員自應量予獎勵福建陸

北勝羅解八盤日記

和集第二集

卷

越縵堂雜著

路提督羅大春若開復革職畱任處分交部從優議叙降調總兵曾元福
若開復原官址免繳捐復銀兩以示鼓勵餘并賞有差另片奏提督唐定奎
統領銘武等軍到臺布置周密紀律嚴明懇請獎叙唐定奎著賞穿黃
馬褂以示優異

上諭沈葆楨奏臺灣後山亟須墾耕請開舊禁一摺福建臺灣全島自隸
版圖以來因後山各番社習俗異宜曾禁內地人民渡臺及私入番境以杜事
端現經沈葆楨等將後山地面設法開闢曠土亟須招墾一切規制自宜因時
變通所有從前不准內地民人渡臺各例禁著悉與開除其販買鐵竹兩項
以著一律弛禁以廣招徠

上諭沈葆楨等奏請調員差委等語工部候補員外郎陳一鶴補用同知文煒

候選知縣李益林著楊昌濬王文韶飭令該員等即赴臺灣交沈葆楨等
差遣

上諭沈葆楨等奏請將明室遺臣賜諡建祠一摺前明故藩朱成功曾于

康熙年間奉 旨准在南安地方建祠茲據奏稱該故藩杖節守義忠

烈昭然遇有水旱祈禱輒應尤屬有功臺郡著照所請准于臺灣府城

建大專祠以追諡以順輿情 朱成功即鄭成功唐王賜姓朱桂王時封此平王康熙三十九年 上諭有曰朱成功是明室遺臣非朕之亂臣賊子則此係朱成功可也倘故藩不可也說予諡忠節

十二日庚戌曜 劉鶴山師來潘星齋丈來午設小飲至晚而散

得跋文書以舊疾復發辭飲 閱玉函山房所輯倉頡篇及三倉 夜

得星丈書以近詩一律見商即復

十三日辛亥晨霽旋敷曜上午復霽 早得星丈書賦五古一首紀昨

也... 星... 卷... 越縵堂雜著

日之聚符以近詩一律見商

和星翁見寄詩得七古一章即寫致星

文 閱倉頡篇三蒼古文官書

再得星丈書言今晨得一曾孫女名

曰圓官取燈月團圓之意即復

是日為上燈節夜以茶湯供先換

坐前果食然燈數枝月色甚佳

劉鐫山師潘星齋丈小集寓齋星丈賦詩見贈奉荅短歌

春風十日吹雪晴。市中浩。鴉鵲聲。閉門僵臥絕制啄。惟公杖履時將
迎。茅堂榻。炭一壺。酒折頸。葫蘆伴。三韭清談所。舉輒會心塵。世難逢笑開
口。織公。小戴鬚。皓然優游京。輦如林泉兒。曹衣。據臺閑衣冠。誰識人中仙
新詩落紙總清妙。吐納烟霞振鸞嘯。偏喜覓句向山人。不買拈花示年少。我
生結契江湖中。漁樵歌唱稱能工。自入長安落塵海。筆頭所至無春風。湖塘烟

水。柯。石。兩。地。牽。船。未。營。宅。得。公。詩。畫。相。映。輝。邱。壑。千。秋。照。丹。碧。兩。翁。相。對。
清。且。癯。我。亦。髯。稱。英。夫。幾。時。釣。艇。相。隨。迓。萬。樹。梅。花。壓。石。湖。

附呈丈原作

君負離俗懷。結念在林嶼。殿門息酬應。幽寂若巖處。招我坐竹屋。
清談散塵緒。茶烟裊寒碧。靜聽風飈語。烹鮮掇嘉蔬。鄉味耐含
咀。圖書寓古歡。杯盤著芳序。因憶柯巖中。烟翠圍一墅。梅花滌白
雲。春氣浮遠渚。他年鏡湖側。結屋臨芳淑。松肩合飽餐。相邀碧
山侶。

十四日壬子辰正一刻四分雨水正月中霽晡後數暝

以馬氏所輯蒼頡

篇與任氏小學鈎沈本孫氏岱南閣本參校馬氏采取最密而孫氏最有條

理其中篇以下依說文部目為次便於檢尋則孫馬兩家所同也惟諸書所
 引蒼頡篇既合趙高之爰歷胡毋敬之博學又合楊雄之訓纂賈訪之洵喜
 故或併三蒼亦併五蒼而杜林之訓故張揖之訓詁郭璞之解詁亦皆不能
 分哲任氏於倉頡篇下附倉頡訓詁倉頡解詁各數條固嫌疣贅焉氏
 既言不能分別故於倉頡篇開卷并題爰歷博學訓纂洵喜諸篇名又
 並列張揖訓詁郭璞解詁於下方而復別輯楊雄之訓纂篇杜林之蒼頡
 訓詁及三蒼各為一卷出入紛拏轉亂耳目不如孫氏之看合為一也

作書致劉仙洲問其病 夜以香茗供 先 得紱文書還南宋雄

事詩即復 得星文書饋粉團一盤即復謝 作郭氏質疑跋尾

文兩首郭氏之書一則疑所不可疑一則質所不必質蓋湖南人總不知學問也

即作書致伯寅

十五日癸丑醒有風

坐聽事梳頭

玉廉生來久談而去

夜祀

先以八盞加大酏一器湯圓一巡酒兩巡然鏗數枝三更而畢月色如晝
偕姬人戲擲采選格予兩得全紅 是夕望 買高麗蔴一斤付錢

三十八年又賒二十千比日春氣稍暄便覺足輒思睡舊疾皆作藥裹之
用何可無儲

十六日甲寅醒蘇春氣甚佳讀書既暇意行宅之背後緣街度巷入
保安寺而還 張峽民來 緞丈書來以去年東坡生日詩予所

寫致之葉較日記中有不同者乞更寫與之蓋予作近體詩向不起艸
凡致人者皆元稹也及追錄之日記或詩集中則往往有所改易若有時

無暇便亦忘之故題贈諸篇近體之詩十不存五也老輩摯愛極為難
得日晡無事以佳箋更錄一通即作書致紱翁并元夜奉懷星丈紱丈
絕句各一首 得孫鏡江書約明夕飲桂枝家 得星丈復紱丈
復 夜月甚佳覺體中小券雜閱古謠諺數卷可謂非要著書徒
勞心力者矣齊有儀徵劉毓崧序聞是書即出於劉非杜所能為也

元夜懷星齋紱庭兩丈時星丈新得曾女孫紱丈有小恙未癒各
得絕句一首

白鬚紅烏門年華璧月團藥宰相家奪鳳麟基燈宴裏膝前春
發一枝花

總覺春風杖履輕。試茶量藥稱閒情。戟門夜宴停燒燭。愛向梅花

看月生

十七日乙卯晨雪已後日出仍雪旋暝

雜閱小學諸書

作書致

孫鏡江辭飲

同鄉張景藩具柬招飲即作片辭之

作片致牧莊約

明日夜談

許竹實來

濮紫泉來

得陶子鎮去秋九月及去冬

十二月書言秋後大病至臘盡未瘳并重九寄懷七律一首吳姬水景

四幅

得陳藍洲去冬武昌書

夜以水餃子供 先仍然鑿數枚

敬依燈節以今夕盡也

宋人說節謂十二月八日夜燈始於宋初英趙王樓徹入朝所謂謂之金枝買夜
劉侗帝京景物略謂始於宋乾德五年謂之五夜燈至南宋潘祐三年更加十三日
謂之不在燈者太平無事朝野歡娛因時為制增減不一如唐代自明更時故至夜燈之元
前後各日然朝於金殿三品皆宗光先三年正月十五至七作燈輪踏歌三日夜則已至之象廣
華此麗語言成通七年正月三日改燈張與猶上中亦平之餘則則應時和三日有燈矣宋開帝有
正月八日改燈詩則不期時和日有燈矣

郎鈔

慈安端裕康慶皇太后

慈禧端佑康頤皇太后懿旨前降旨俟嗣皇帝生有皇子即承繼大行皇帝為

解明白宣示中外咸知茲據內閣侍讀學士廣安奏請飭廷臣會議頒立鐵券等語冒昧瀆陳殊堪詫異廣安著傳旨申飭

部刑部尚書崇實內閣學士岐元前往奉天查辦事件所有隨帶司員一併馳

解
山海關副都統寶珣奏舊疾復發懇請開缺回旗調理 許之

部已革總督銜前著貴州巡撫張亮基開復原銜准於貴州省城建大專祠
從貴州巡撫曾瑩光請也

十八日丙辰暝 祭先以十簋杏酪巡酒兩巡火酹湯一器焚楮鏹收

先人三代神位圖晡後數事 紫泉來竹簣來爽秋來夜雷飲陽

談竹簣近治小學甚勤爽秋多聞善記誦今之僅見者也飯後同擲米

選格三夏而撤

十九日丁巳晨醒上午收露午後余

雜閱小學諸書

傍晚券甚

閱古諺諺

邸鈔

正黃旗漢軍副都統崇禮為山海關副都統以前駐藏辦事大臣恩麟為

正黃旗漢軍副都統

二十日戊午醒

上登

極御保和殿受禮太和殿受賀

得星齋文書約廿四日午飲即復

陳六舟送來謝磨伯饋歲銀十二兩即作片復六舟稿使一千

題籤近

所得書作家百餘

夜擲采選圖

邱鈔

上諭為政以得人為首務我朝 列聖御極建元均於三年大比之外特開鄉
會恩科廣羅俊彥朕纂承大統宜遵成式嘉惠士林著於光緒元年舉行
鄉試恩科二年舉行會試恩科用副朕作育賢才至意

二十一日己未

醒 讀漢書比日因久咳嗽

當作

遂致小極舊疾叟動欠伸

思睡善氣漸喧病體非宜

潘儒初來

阮酉生來

是日付賃屋

銀四兩

夜早睡

二十二日庚申 晨散醒上午後露

讀漢書數葉思善本校之不得因閱

近刻明紀

楊惺吾來

鄉人周福清以庶常散館選得金谿知縣來辭

行言金谿刻書甚賤可任剞劂之事此人能為此言蓋窺予所好也予因屬其

購王氏謀所著書

郎鈔

上陳鴻臚寺少卿梁僧寶奏給事中郭從矩請釐正磨勘試卷摺內於該

少卿前陳磨勘事例多有誤會請飭部查覆等語著該部按照該少卿

所陳與郭從矩前摺一併覆核具奏

郭從矩疏謂本年三月分校開中因梁僧寶條陳磨勘者禁用後世語一條皆競以避處分為重試卷有用史事者

概未敘錄鄉會為國家抡才大典必須取博通經史之人異日方期有用若有心規避以為去取恐天下之士皆可置史書而不讀于造就人才之道大有關係至梁僧寶所陳各條如磨勘官于所分各卷均須籤出疵誤釐磨勘持論甚屬不通豈考官所中試卷必須有瑕可摘以為磨勘地步乎抑實無疵謬而磨勘官必當吹求闕內故入人罪乎云云

二十三日辛酉晨雪大作至午止積二寸餘晡後又雪入夜不止又積寸許
得星文書堅約明日早飲賞雪即復 閱明紀此書采取
不博而疵病尚少蓋陳稽亭守桐城家法謹較足多耳 錢辛伯
喪其夫人來訃比日寘甚止送二子而已

邱鈔

兵部奏郎中魏綱條陳整頓吏治 詔申飭各省督撫振刷精神嚴

加考核毋得粉飾瞻徇致負委任

魏綱湖南附生所奏皆用偶句文理多不甚通中有一條請重用正途而有云字必臆序素列方許捐輸可笑甚矣近且應詔陳言大臣時此類也

南澤春授福建漳州府知府

翰林院侍讀學士鍾寶華告病開缺

崔尊彝授雲南糧儲道

二十四日壬戌暝寒

上午赴星嶺之約坐有紱丈嚴六谿及蘇州人

徐兵部吳舍人午後飲於星丈內中精舍小有竹石几席清妍有

饌皆興味極佳哺後酒數歸寓

讀漢書

二十五日癸亥暝有風

嚴六谿來紫泉來爽秋來同至龍樹寺

坐蒹葭窈窕看殘雪晴日滿郊亭射點綴蒼寒蕭瑟清絕宜詩

下午登看山樓望西嶺丹翠之中間有積素而已哺後茗拜同鄉

兩俗客回至廣和居偕三君飲六谿為主人適晚歸付車錢十千

夜讀漢書

二十六日甲子上午暝下午霽

星丈來久談

比日心甚不甯讀

書無緒不知何故也今午神觀稍清姑閱近儒說部以祛煩惑

洪稚存曉讀書齋二錄言晉御缺謚成子見內外傳而新唐書呂誼傳博
士獨孤及議謚曰莫缺之恪甯俞之忠隨會不忘其君而暗謚曰武是缺之謚
又當為武非謚成矣成武字正書本相近豈武字傳寫誤為成耶慈銘
案古書成武字相溷者多矣即以左傳言之昭公二十五年吾聞文成之世謂魯
文公及成公之世也今本皆作文武之世此類是矣 洪氏又謂三國魏武帝紀
漢相國參之後然裴注引魏書建安二十二年八月令云蕭何曹參縣吏也
若果為參後則標自作令不宜如此慈銘案此正如劉裕自謂楚元王之
後蕭道成自謂蕭何之後楊堅自謂楊震之後遙三華胄何容致辯

耶

郎鈔

吏部侍郎承恩公崇綺赴喀爾喀賜奠以理藩院左侍郎德椿兼署吏部右侍郎

二十七日乙丑曜

是日天气和煦春光甚媚讀書稍有所得下午南

牆返照小窗轉明紫頭水僊花盛開幽香近人詩興忽發因得五

古七律各一首

殷夢庭來

得竹樓子二月初旬書

今日來

一客一書既敗詩興而同居者忽置酒福召同鄉惡客凡僉壬之遺孽

販賣之貨即屠酷之市兒郵塾之鄙墜奇形醜狀臭穢滿堂予塞牖

拒扉不與間接而酒半以後忽相毆爭狂吠勃跳四鄰驚集予素懷絕

俗門無雜賓今擇不處仁致斯垢污古人洗牀錘石不為過也 作書

約收莊明日來談

星齋侍郎雪後招飲次日賦謝

梅花晴日敞朱門。扶杖相邀笑語溫。
前夜雪痕明竹石。首春風信上琴尊。
尊尊醴盡入三英。饒松鶴長怡五畝園。
自是吐茵東閣地。典型蒼舊至今存。

次日偕嚴六翰戶部袁爽秋舍人祖璞紫泉比部子潼至龍樹

寺眺城南殘雪久坐蒹葭窳

昨飲侍郎宅。竹樹清且寒。因之發佳興。看雪來郊墟。
城南多古寺。興

誠據廣遠。

寺建於唐名興誠寺國朝已久祀嘉慶中有松筠卷一浙西僧修之為松筠下玩補植倒垂槐一樹金匱願侍郎舉營龍樹寺最愛蒹葭

窳面場怡開軒。積素半已消。林阜何斑斑。流澌滿平壤。水鳥鳴關關。
森。郊壇樹渺。墟里烟城堞。澹回繞亭。樹標晴鮮。予懷本幽寂。况

此○初○地○閒○蕭○疏○不○可○極○久○坐○忘○行○還○嚴○生○本○時○侶○二○子○能○清○言○欲○盡○殘○
雪○理○還○對○樓○上○山○

郎鈔

上諭都興何等奏遵議興京添設副都統應行籌辦各事宜請旨辦理一

摺著該部議奏

二十八日丙寅晨及上午收雲澹晴午霧晡日景復出旋霧 收莊

來唱談終日

二十九日丁卯正三刻一分驚蟄二月節晨霧旋日出上午暝午後

澹晴晡後霧 雜閱架上書取適而已 作書并寫詩日兩詩

致星翁 得星丈復以近詩兩首屬商 星丈怡園宴集詩中有

北勢星解入盤日已

甲集第二集

三六

越縵堂雜著

及虞山吾谷之勝因憶管年一日與秦宜亭談南中里居樂事宜亭
言常熟山水清麗田園饒美較錫山尤勝最宜移家予聞之欣然
有卜鄰之約今宜老逝已三載辰復此詩為之慨然復賦一詩呈星
齋紱庭兩丈即書致星翁 傍晚坐檐下讀王岑諸家詩 得星
丈復 夜坐無事戲於子縝所寄吳姬倩景四幅各題小詞一闕於
上皆隱括子縝評語為之

星丈詩中言虞山之勝因憶管年秦宜老曾相約移家慨然賦之
詩成忽憶秦宜老曾話虞山好景來飛瀑瓏玲滿松桂晴嵐深淺
出樓臺買田陽羨終難化鶴遼城豈重回吾谷烟霞無恙否祇應
獲鳥有餘哀

十六字令

戲題蘭當所寄吳姬小景四幀人各得一闋

姝○羅○袖○難○勝○怯○自○扶○熏○香○坐○嬌○極○未○拋○書○顧○阿○男○

翻○豆○蔻○梢○頭○碧○玉○年○妝○纔○竟○小○扇○立○人○前○顧○愛○寶○

禮○桂○板○於○嚴○舊○院○風○宜○平○視○繡○褥○隱○芙○蓉○黎○惠○蘭○

嬌○斜○倚○妝○臺○彈○翠○翹○簪○花○笑○紅○袖○若○為○招○陸○翠○鳳○

三十日戊辰暝春乞齋煖 得星翁書以前日怡園宴集七律一

首見詠怡園若太傅后第本宛平王文貞宅也陳其年曾為園記相

傳其山石猶出張南園手今傾積半矣 梅卿饋唐花牡丹兩盆即

復謝并賦小詩兩章 理去年至今同人所寫致詩文付裝池為

橫幅三事 孺初來久談 夜續錄熙朝宰輔自丙辰至今滿洲

越縵堂雜著

共得十二人漢得十人其再入者滿有瑞麟漢有賈楨皆不數焉

匡伯惠唐花牡丹兩盆下承以水仙賦兩絕句為謝

風情合作探平花使獨向天甯寺裏回最愛朝衫騎馬並擔頭

一路牡丹開都中天甯寺賣花最盛

曾記小桃梅作媵管年里后時居曾翻風還倚宋禕憐饋梅花碧桃四樹也嫌富貴

冬烘色為借凌波配水仙

二月己巳朔曜 閱四庫提要子部類書類 梳頭見白髮種

種不勝慨然 跋寧輔錄 得紱翁書即復 四庫子部提

要多出歷城周書倉 永年之手書倉專精丙部而紀河間之學亦

長於諸子故精必在史部集部之上即以類書一門言之鈎貫淹通於

極鮮重之書皆指瑕尋間得其條理誠自古目錄家所未有然亦有

失之眉睫者如李瀚蒙求集注於顏叔衷燭句云事出毛公詩傳案小

雅卷伯吟兮侈兮下毛傳載顏叔子獨處于室使鄰婦執燭達旦事其

文甚詳是注本不誤而提要乃云今詩傳實無此文藝文類聚引莊子梁

君射白鴈事案此與新序雜事篇二所載大略相同太平御覽三百九十九人事

部引此亦作莊子困學紀聞卷十載莊子逸篇三十九條此事亦據類聚御覽諸

書輯入是本不誤而提要乃據彭叔夏文苑英華輯證云莊子無其語謂所摘中其失以是知攷據之難也

邱鈔以光祿寺卿長叙為太常寺卿

翰林院侍講張家驥楊紹和

俱轉補侍讀左春坊左中允張鵬翼左贊善歐陽保極俱升補翰林院侍講

初二日庚午醒

閱四庫提要史部別史類政書類韶書漸長便苦小極

讀書交雜攷索多忘

寫提要書附六十冊已得半矣此處作字最難

加以敗筆細書目力為昏

夜無謬戲擲采選格三周得全紅劉頁又以

此事為漢官儀行之固佳予欲試以周官為之其黜陟雖無可攷然依卿大夫士命數亦可得其大略以教子弟較勝於王禕之周官急就也嘗采莊氏存與周

官表胡氏秉虔儀禮釋官二書參以外傳及願陳高春林七事表經廷許春秋職官略

初三日辛未晨至午露下午薄暉 揭提要書謝又六十冊訖 印結

局送來十二月正月不費銀十兩三錢 張秩氏來饋樂陵棗兩苞

得伯寅書約明日午飲 付高麗漫錢二十千峇福工食錢十千更夫

工食七千陳媪工食五千吳姬倩影小鏡錢四千朱修伯大理奠分二千

夜閱提要子部雜家類存目小說家類存目比日所為皆小慧之用心猶賢

簿弄而已

郎鈔

慈安端裕康慶皇太后

慈禧端佑康頤皇太后懿旨翰林院奏代遞侍讀寶廷條陳一摺皇帝冲齡踐

也考星年... 穢漫堂雜著

昨蒙養最關緊要允宜併一言一動胥出於正以為典學之本至我朝整敕宦
寺家法至嚴前經降旨將不法太監嚴加懲創朝廷深知此輩不可稍涉寬
假該侍讀所陳深得杜漸防微之意內務府向有應用經費與部庫本屬
判然嗣後著總管內務府大臣將應入專款認真整頓應用各款加意撙
節量入為出不得動輒奏請借撥部款所有借撥之款作何開銷並著造
冊報部一面咨明稽察內務府御史以備查覈該衙門司員倘有浮冒情弊
即著隨時查明嚴參懲辦

初四日壬申 醒齋

閱潛研堂集

午赴伯寅之招坐惟石查賓主

三人而已暢談至晡後而歸

閱潛研堂集

夜得伯寅書并所刻

湧喜齋叢書十六種予為牧莊轉乞若也即復謝

邱鈔

上諭左宗棠奏請將道員革職永不叙用並自請議處等語甘肅署安肅道何元普係曾被參之員經左宗棠奏請開復原官委署安肅道篆乃不知媿奮阻撓公事實屬鄙詐無良何元普著即革職永不叙用左宗棠將革職劣員率行調營咎亦難辭著交部議處

初五日癸酉雨 終日無事以家書四庫總目籤分別部居察而

可識

初六日甲戌上午暝下午露地氣蒸潤 閱四庫總目子部彙家類

題籤共得六十冊剛及半矣當暫輟耳 施敏先來

初七日乙亥晨露上午散有日景下午微雨不久止澍溼更甚 閱總

目史部禮史類目錄類子部甄術類 作書致雅齋催其開寫一房
誕系彼家兄弟昏過日於此等事亦漫不關心科甲中人未必如是正不
知其有底忙耳

邱鈔

詔修 穆宗實錄命大學士寶璽為監修總裁官協辦大學士尚書英
桂尚書毛昶熙靈桂李鴻藻為總裁侍郎恩承彭久餘殷兆鏞察杭
阿徐桐德椿為副總裁官理藩院尚書卓保為蒙古總裁官

以盛京工部侍郎桂清為工部右侍郎兼管錢法堂事務以工部右侍郎
訥仁為盛京工部侍郎

初八日丙子暝有風 作書致收莊并函喜齋所刻書一帙 題文選二

十四冊書附

作書致紫泉閣以其太翁病赴保定省覲矣

作書

致嚴鹿谿約後日飲

楊惺吾索書屏聯

閱毛西河論語稽求

篇此書佳處固多

其

如謂原公問社是問社義宰我答以社名樹松曰社樹

栗社是凡造典故絕無依據謂不有祝鮀之佞而有宋朝之美是喻無希世之資

而徒抱美質以游於人謂人之生也

直固之生也

如孟子生斯世也之生吾人之生於

斯世與世相接以直道故也若誣罔而猶在人世是倖免耳其誼皆轉迂曲至若

唐棣之華二節舊本與可與共學節合作一章漢儒固自有反經合道之說何氏

謂偏反喻權道之反此先儒舊誼之不可從者取詩中一反字以喻道之可反聖

門說詩絕無此例皇朝二疏皆謂樹木之花皆先合而後開唐棣之花獨先開而

後合以喻權道之為用先反而後順此即後世辭賦家取義亦無若此之纖巧益

也

日集

二集

越縵堂雜著

漢人傳論語若此處偶失分章遂因而附會之其說實不可通常以朱子分章為
正毛氏必申舊說引王祥傳為證謂祥臨歿屬後使不澣濯不食飯不沐棺槨
不起墳塋家人不送喪祥禫不齋祀雖不用古法而反經行權期合於道故終之
曰未之思也夫何遠之有正取唐棣是篇以及作正之證案晉書王祥傳祥著遺
令訓子孫先言生無毗佐之勳沒無以報故自氣絕但洗手足不須沐浴以至大小
祥乃設特牲無違余命皆言終制之事其下自言行可復信之至也至臨財莫過
乎讓此五者立身之本顏子所以為命未之思也夫何遠之有乃是訓子孫之語與
上截然兩事辭意亦絕不相涉毛氏任意割裂勢相比附其謂晉書亦無人能
讀耶又若君子之道孰先傳焉孰後倦焉注疏皆無異說朱子謂倦如誨人
不倦之倦以傳與倦皆指教者言尤為直截毛氏謂倦即古券字傳與券

皆古印契傳信之物傳者符傳券者契券以喻教者之與學者兩相印
契案說文券下从力古倦字券下从刀契也券券迴然兩字疲倦之倦可作
券未聞書券之券可作倦也乃又引考工記輶人左不券鄭注謂券字即今
倦字可驗案考工記輶人本作終日馳騁左不楛杜子春云楛讀為蹇書楛
或作券康成謂券今倦字也輶和則久馳騁載在左者不罷倦尊者左
也是正謂券即罷倦字鄭君誼與許同即楛為楛距蹇為蹇罷亦皆倦
極之意與契券何涉而強改經文注文以就已說其謂周禮亦無人能讀耶此
等恃其辯博疑誤後人不可以不正也

初九日丁丑醒煥始去綿帽甫羊裘

牧莊來暘談終日 得嚴六齋

書

邸鈔

福建布政使潘霽告病開缺 許之以福建按察使孫亨為布政使以前兩

淮鹽運使署廣東巡撫郭嵩燾為福建按察使 有湖州舉人陸心源若入資為廣東督糧道有職若開社勅開缺

引見閩浙總督李鶴年奏調至福建差委復署糧道遂專閩事招搖納賄權出布按兩司上至妻與巡撫王凱太競去年凱太請入覲未至乞病亦以此也及潘霽入覲頗為當路者言之心源因

被劾後 詔開署缺送部引見鶴年怒遂亦因事劾霽有 詔查辦霽因乞假還蘇州就醫而御史恭鉉復疏請凡開缺送部者不得藉事逗留意亦在心源也鶴年懼因兩解之故霽遂請

養疾而心源亦歸湖州矣心源乘舉人好為詩古文而不工多蓄金石書畫以為解譽其鄉人言其險薄即詐劣連甚眾一即皆不虛之也眾者極多凡四庫所著錄及名目者僅十種云郭嵩燾以去夏日本事被召入都

與蔣益澧曾國荃先後至同寓法源寺國荃憂望總督益澧嵩燾亦望得選撫此授也其快其將稱疾不至矣

初十日戊寅晨醒旋霽上午收暝下午霽 作書致石查致竹篔俱約今

晚小飲開石查他出竹篔已進城矣 雜作篆字 晚邀鹿谿金忠甫孫

鏡江殷萼庭吳松堂飲福興后初更後歸付下賞錢三千車錢四千

夜三更後雨

十一日己卯晨日出即霽上午兩晡後雜以雪 得函石查書 閱四庫

總目經部四書類史部雜史類傳記類 夜姓 是日攷索羣書間

附記注密行細字稍覺罷之夜臥復苦欬欬

邸鈔

盛京將軍世襲一等輕車都尉都興阿卒

都興阿英成謹懋著勳勞由侍衛洊升將軍出師江皖陝甘等省辦理軍務均能得力前因患病請假調理方冀漸次就痊長資倚畀茲聞溘逝軫惜殊深加恩追贈太子太保銜照將軍例賜卹賞銀二千兩治喪由盛京戶部給發靈柩回旗時沿途地方官妥為照料伊子三等侍衛卓勒洪額俟百日

孝滿後由該旗帶領引見伊孫尚安太侯及歲時帶領引見用示篤念蓋

臣至意 新與阿孫子謚清愨以光緒三年著盛京將軍崇厚為之請也

詔崇實署理盛京將軍志和俟崇實到任後交卸

十二日庚辰暝 得紱文書即復 寫畢氏續資治通鑑書附六十四冊予

喜為此事以省檢閱之勞 買玫瑰花兩樹栽之庭隅 聞劉仙洲以前

日病卒鑄山師無它子又尚無孫可哀也

十三日辛巳暝敷露 殷夢庭招飲揚州館辭之 午詣鑄山師唁其

喪子久坐而出訪孫鏡江不值詣潘孺初值其姬人病甚少坐而歸 買

水仙花三本京錢二十四百 雅齋來 得族叔允升書言族叔清源以

去年病卒族弟幼者以去冬在祠堂盟刻醫修家譜刻工忽廢無人時持萌自刺

其喉而亦可厥歎也幼香之父國香以道光時在嘉善縣襄理刑名時其從兄
顏青理縣之錢穀忽一夕顏青以刀自剖其腹國香亦勸斷其噤保立以縣
令傳其大驚即夕自詣嘉興府知府請嘉興知縣往驗復急走行省徧白
大吏其事卒莫能明也今幼香復有此慘果何為耶 哀宗不振日益零落
悲念彌深 夜閱書至四更始睡五更大風激旦

十四日壬午辰正初刻五分春分二月中暝風至下午稍止 祀 曾祖考妣

祖考妣 先考妣香饌十三盞右酪一巡酒兩巡時果四樣脯後焚楮畢事

孫馮鏡江來 作書致孺初問其姬人病符以橋四枚詔其穉子得復

饋梅御豚肩一器肴饌兩器

十五日癸未暝齋聖夜月頗佳 終日雜攷羣書

師鈔陝西巡撫邵亨豫奏病難速痊懇請開缺調理

詔許亨豫准其開缺調理以前湖北巡撫曾國荃為陝西巡撫

詔莊親王奕仁之子委散秩大臣載勳承襲莊親王爵

奕俊啟太均賞給委散秩大臣

十六日甲申曜 收莊來囑談竟日 得斌文書還所校世說 缺

民來 夜雜攷羣書

十七日乙酉終日霽夜有風 雜閱 國朝乾隆以前大臣碑志傳近世

既無人能為古文而士夫家又不講碑碣銘表之制其達官得 賜祭葬

若大遼刻論祭 論葬文以為墓碑而已八旗人尤罕見碑表故事迹多

不可攷也

十八日丙戌醒上午有風 終日閱吳荷屋中丞吾學錄其書雖之
體要多略於 朝廷大典制而迄及官府常行事例不脫公牘家言
然於品官士民祭禮喪儀及刑名例禁獨為詳悉亦教子弟若所必
需也 取自去年來同人所詒詩札略汰擇之裝成三橫幅懸之聽事
兩壁以當雅談

郎鈔戶部員外郎廷秀授廣西思恩府知府

十九日丁亥醒晡後霽 得伯寅書以 聖祖仁皇帝庭訓格言一

帙見贈雍正初 世宗憲皇帝倍誠隱親王等所纂錄伯寅之從弟
福建布政使霽新刻者也即作書復謝又贈梁維樞王劍尊聞一部時人
五霞舉詩一部俱還之 遣人至廠肆取李次青先正事略一部來此書

雖陋然鈔輯之功亦不可沒藉作彙本亦佳耳 終日增注熙

朝宰輔錄中字號及官銜封爵當改為表更刻之 傍晚自汲水

澆花

二十日戊子晨霽上午小雨至夜稍密 聞昨夜漏三下

穆宗皇后阿魯特氏崩年止十九 后幼讀書知大義端靜婉肅內外備賢

洎正位六宮每聞諫助自奉儉約時手一編然道路之言謂入選時 聖

母意在慧妃而 母后以 后莊重力贊成之 聖母終不慊也故宮中服

食供御妃后略等去冬十月 穆宗以天花將愈加恩 宮廷即晉她為

皇貴妃及 穆宗病甚 聖母頗責讓后 上崩 后即服金屑欲自

殺以殉救之而解 禁中事祕莫能質也然自大喪 后即寢疾甚聞危

殆竟以弗療從 先帝於地下 后何恨哉謹記其略以待信史

潘星丈來弗晤而去 今日先祖芳鏡齋府君忌日又張節君忌日

以貧甚不能具酒肴待清明日合薦之終日讀禮經特牲饋食篇

金志甫來 於庭前種竹七竿 秧梅一株 芭蕉一本 計直十二千 付僮

什人酒錢二千 栽花人一千

邱鈔

上諭 嘉順皇后于同治十一年作配 大行皇帝正位中宮淑慎柔嘉嚮儀

定式侍奉兩宮 皇太后承顏順志恭敬無違上年十二月 大行皇帝龍

啟上賓毀傷過甚遂抱沈疴于本日寅刻崩逝哀痛實深著派禮親王世

鐸禮部尚書萬青藜總管內務府大臣魁齡工部右侍郎桂清恭理喪儀

兆芳聖母金皇日已 甲集第二集 穢縵坐雜著

兩宮皇太后懿旨嘉順皇后孝敬性成溫恭夙著茲於本日寅刻遽爾崩逝距
大行皇帝大喪未逾百日復遭此變痛何可言著于壽康宮行斂奠禮
擇期移至永思殿暫安所有一切事宜著派恭親王奕訢會同恭理喪儀王大臣
暨各衙門查照例案隨時妥籌具奏

以前協辦大學士刑部尚書全慶為內閣學士兼禮部侍郎銜

詹事府詹事奎潤為大理寺卿

河東河道總督喬松年卒

松年字鶴倩山西徐溝人道光己未進士授御史大興劉莊地之墾也御史精於金石之學收藏甚富松年得其指授亦善書畫能為詩而性不人卒於子

詔喬松年老成諳練學識素優由部員游擢封圻前在安徽陝西巡撫任內
因粵匪滋擾籌餉籌防諸臻妥協迨簡任河督于沿河修守事宜辦理亦
無貽誤茲聞溘逝軫惜殊殷著加恩追贈太子少保銜照河道總督例賜卹

其靈樞回籍時沿途地方官妥為照料伊子喬聯寶著以主事用用示篤

念蓋臣至意

有於年極予諡勤恪以先緒五年四督南蘇願為之請也

以新授陝西巡撫曾國荃為河東河道總督以陝西布政使譚鍾麟為陝

西巡撫

二十一日己丑晨霧旋日出果俄頃復霧下午雨作入晚漸密夜點澆有

聲 鄭同年暉吉來馬同年良駿來天氣電霧對此等客益令人

悶損 張缺坪來 殷萼庭來 閱光正事略 國初梅勒章京即漢

言男爵也乃范文程傳云加一等梅勒章京世襲一等男爵此由不識官制也阿

桂傳云孫那彥成官大學士那彥成何嘗官大學士乎其疏如此

邱鈔

山西按察使蔣擬學為陝西布政使以山西雁平道程豫為山西按察使

詹事府右贊善吳仁傑升司經局洗馬

二十二日庚寅暝致霽午後涼風蕭然晚雲又合 得伯寅書屬誤彭

文敬神道碑即復 作書致潘孺初取還文稿兩冊得復 作書致殷

夢庭還其從兄某行略夢庭乞為某謀墓銘而其人不應銘法故婉辭之

符略告以志銘之法及予作文之例 貧甚以紗衣質京錢十五千 閱四

庫提要小說類

邸鈔

兩宮皇太后懿旨恭親王奕訢醇親王奕譞等奏稱謹看得附近東陵之雙山

峪地勢寬平係上吉之地等語雙山峪著定為惠陵即行擇吉興工派

醇親王奕譞齡榮祿翁同龢敬謹辦理

步軍統領衙門員外郎文治授山西雁平兵備道

二十三日辛卯澹暝上午散套風起下午風益勁寒如冬中

梅卿

第三郎周晔饋以餠桃梅卿饋肴饌四器及套酒燭麪

閱養新

錄 夜梅卿招飲一更而罷

復相見言語鄙穢可憎之甚梅卿以予故亦相識妻招之

飲而予轉疏之今夕竟使酒罵坐平生不嚴絕此輩是予過也

二十四日壬辰暝餠 步詣殷萼庭家送其家屬南還小坐即返萼

庭從予至寓偕梅卿閒話終日夜飯而去

二十五日癸巳晨露上午收暝下午激雨旋日出而雨益甚俄雨止晚姓

牧莊來賜談竟日偕梅卿同留夜飯牧莊借予日記三帙去夜貓產

五子去年所嘗一雛狸耳今人以一產四男以上為瑞聞之於朝不知此乃妖異

唐虞以來聖神未聞此事陸終若童亦妄說耳故此等人十九不育即能

成長亦無有具知識也後世更官無識奉為瑞應實則豈生道也其事率

出於市井小民有至十二男者與非化何異幸前生之錄載康熙五十二年易州呼姓家婦產一胞剖

二十六日甲午暝有風晡後露終日雜攷羣書自昨夕時發不能久坐

多以臥閱之梅卿生日饋以桃麪

二十七日乙未晨露上午收有日景午後復露晡後雨晚止痔大發臥閱

雜書盛伯希來與之略論國朝掌故及滿洲氏族俱頗能留心近來

人曾言

宗族子弟中不易覲者也 得何竟山正月二十四日越中書并寄所得

商父山彝拓本 以散舍利表質得京錢四十五千

二十八日丙申暝

二十九日丁酉午正二刻三分清明三月節小盡暝大風午後小止 薦

曾祖考妣 祖考妣 本生祖考妣 先考妣以大小十六簋艾餃一梓時

果四色酒兩巡蓮子湯一巡焚楮鏹一千下午數事又以素饌供 張節

孝焚楮鏹二百 作書致潘星文紱文俱約明日小飲得復 作書致

伯寅問其疾得復 再得伯寅書即復 作書致孺初約明日午

飲 夜閱曝書亭文集 印結局送來是月公費銀十一兩四錢

是日得七律二首

乙亥清明寓中祀先感賦二首

清明作客總淒然。典得朝衫也薦先。
麥飯祇供貧士饌。紙錢誰上郭門船。
桃花津渚新停鼓。楊柳人家欲禁烟。
為問京華何事業。滿頭霜雪不歸田。

丙舍移家得幾時。松陰鐘梵不勝思。
六峯翠靄尚書塢。一曲清

谿下相祠。先曾祖墓在滿渚金殿龍近六峯山有謝尚書塢先考妣墓在項里有清溪橋項王祠在馬滿渚之寶壽寺項里之翠峯寺境皆幽絕常欲構而舍其旁

叔表阡何日就。先祖及本生先祖俱尚權肆未葬右軍誓墓此生遯。卅年舊句成愁絕。莫

向旗亭唱我詩。予十七歲時嘗作上塚詞十餘絕自內二首云紅橋滿渚春風市綠樹亭山細雨天更有謝公遺壑在衣香人影滿春田頗為時所傳誦予得詩名實始於

此其彙人彙
聯附記之

詔

三月戊戌朔暝上午熒風 紱丈來 星丈來 孺初來贈廣東

衛生丸四粒贊育白鳳等丸各一包 齋中小飲賜談晡後始散

得陶少實去冬十二月十日書陶心雲十一月廿四日書 得竹樓二月十

五日書 是日申正日食

邸鈔

列聖御極之初蠲免積逋常敷闔澤允宜祇遵 成憲特沛恩綸所

有各直省民欠錢糧即著戶部酌核奏請蠲免

初二日己亥晨暝上午後霽大風傍晚風少止復暝夜又風 得董

芸龕詩書以便面乞書并贈王霞舉詩集即作復還其集 作復

竹樓書致季弟書 買紫荆金雀各一樹植之窗下付花竹錢共十

五千 付前月賃屋銀四兩峇福工食錢十千 是日得種花七絕

二首

去年所移花樹半死今年復補栽之戲成兩絕句示後人

詩○矣○采○藤○翰○長○梧○先○生○風○調○復○何○如○元○規○塵○土○何○須○問○日○有○清○陰○為○掃

除

叔孫所至須完葺曾子臨行戒毀傷他日莫達蕭少府盡刊花叶種衰

楊

初三日庚子暝下午有風

發家書交輪船信局

偕梅卿至慈仁寺

看花惟山桃迎春已開耳杏花萼已紅綻榆葉梅有一二枝半開若丁香海棠則尚早也遇嚴鹿巖久談而出遊法源寺丁香亦未開樹較往年漸少

矣。晡後飢甚，遊梅卿小飲，廣和居傍。晚復游龍樹寺，坐蕪葭籜，日落而歸。得七古一首。

乙亥上巳日游慈仁寺看花，復至法源寺探丁香，出飲酒家。

歷龍樹寺而歸

三月三日春氣佳，出游宣武城西街。慈仁蘭若據大道，當門老樹相推排。寺寂僧貧鳥聲樂，百級香臺躡危閣。蒼松偃蹇而地風吹過，山桃亂花落。春陽晚晚開，午晴一枝豔。照映梅明。

北也有榆葉梅紫英淡紅

千葉而小，亦雅時英。梅郭注云：崔梅說文作桃梅，玉篇作桃梅，疑卽此也。

石闌久坐狎馴雀，經房靜聽茶鐺聲。良辰

催箭急，星火東游西游無不可。憫忠古剎重扣扉，萬葉丁香雪猶裹。戰士埋骨千年香，古德天花開道場。軋葦穿千自屠剝，猶誇佛力。

收漁陽蟻垤爭雄事。如此暮鼓晨鐘等閒耳。乘時一醉非偶然。杖頭百錢足生火。酡顏風送城南來。夕陽千頃蒹葭堆。西山為我掃蒼黛。贏得浮生笑口開。

邸鈔

上諭文祥奏病仍未痊懇准開缺一摺文祥著開去鑲白旗滿洲都統管理
工部及神機營事務以示體恤仍留大學士之任在軍機大臣總理各國事務衙門行走俟病體稍痊即行入直

初四日辛丑風露下午數有日景 賣花人玉榮來又補種海棠一樹
添栽紫荊一樹復逸梧桐植之竹下付錢九千家人告典質盡矣復
賦種花絕句二首示之 作書致伯寅問其疾得復 比日痔創未癒昨

夜舊朕又動德甚多因

後種花兩絕句示家人

先生性癖只耽花。紅紫閒庭丁倒斜。有地今朝還種樹。無錢明日便移家。

莫笑囊中無一錢。園官園老識經年。何時結就園蕉屋。萬樹花中

自在眠。

子嘗有桃花萬樹一浦園之句屬畫師續為圖

郎鈔

上諭沈葆楨等奏請將陣亡之游擊優卹並賜諡建祠等語副將銜儘先參

將浙江温州右營游擊黃開俊在福建臺灣地方剿辦土匪甚為出力本年

正月間帶隊搜捕獅道社番遇伏陣亡深堪憫惻王開俊著照副將例從

也

甲集第二集

卷二

越縵堂雜著

優議卹並加恩予謚准於臺南建立專祠隨同陣亡之花翎都司銜守備周占

魁等及勇丁九十三名均交部從優議卹一併附祀

三關後從予謚勇烈

林爾沁親王伯彥訥謨祜調補鑲白旗滿洲都統肅親王隆懃補授鑲藍旗

漢軍都統

初五日壬寅哩

邸鈔

上諭都察院奏鑲藍旗四品宗室恩詔以伊叔已革伊犁將軍常清前在伊犁全家殉難等詞赴該衙門呈訴據稱同治四年回匪攻撲伊犁時常清因革職留伊犁查辦隨同該將軍等登陴固守城陷後常清巷戰陣亡全家同時殉難殊堪憫惻常清著照四品官議卹其庶母程氏子德潤女貞格蘭

格安格定格妾王氏越氏一併分別旌卹

初六日癸卯

庭前花樹俱令圻人砌孰園之除孰錢六千付圻

工錢二千四百

得紱文書偕全唐詩即復

四日治庭下之溝泥水喧

雜甚不可耐

邸鈔

以前戶部左侍郎潘祖蔭為大理寺卿

初七日甲辰晨敷霽上午暝午後有風

得星文書即復

得紱

文書即復

張缺氏來以洪北江題其叔祖春巖訓導詩集七古手蹟後

見示

州四月

三

晦即事絕句二首春巖名景運字靜旃晚更名太復自號秋坪道

人兩浙運使惟寅之子乾隆丁酉拔貢由順天府學訓導升浙江太平縣知

也

日

卷

穢漫坐雜著

縣到官僅數月以海盜案革職發軍臺贖罪捐復學官選遷安訓導以卒

著因樹山房詩鈔秋坪新語已刊行又有浮筠書屋文集半一軒詩集等

卷第十一

五六種北江此詩見卷施閣集題作暇日校法學士式善張大令景運近詩

率賦一篇代東其絕句則卷施閣餞春十首之二也詩以粗宣紙寫之缺

民得於故紙堆中北江又有張烈婦詩七古一首并序亦見集中老第十七即為春

巖子婦王氏殉其夫慧裕作也詩有云婦先兒兒童烏阿翁復作鬼董

孤一家奇行皆堪圖自注大令近作述異記數種北江詩筆力健舉而時

病淺率其校法張二君詩尤叫囂集中最下作也烈婦詩所云婦先

兒乃用魏書列女傳涇州貞女兒先氏許嫁彭老生為妻未嫁而老生

逼之不從遂為老生所殺事事既不倫又易兒先為先兒皆其疏也 比

比

日既患病大半偃臥不能讀書又肝氣大發所過輒忤恠悅之甚惟
雜閱諸史及近人說部文集略無若緒藉遣光陰嘗謂欲學漢儒
之治經當先學宋儒之治心一生不敢菲薄宋儒良以此也 夜靜坐
一時許補寫近日日記及所作詩

初八日己巳晨至下午數暝晡後霽 蓄髮將百日矣禮部議奏

上以十一日辰刻詣 觀德殿几筵前釋縞素已刻清髮官民一律鬻頭

限期七日止再以 皇后喪百官及滿蒙軍民仍蓄髮至五月三十日始

鬻頭漢人軍民不禁向例 后喪蓄髮官弁六十日漢人軍民三十日

今以 先帝之后故百官視 皇太后例蓄髮百日而軍民仍止二十七日

已為出入無據又先計 先帝喪期百日之數鬻而後留自古喪禮

也 越縵堂雜著

未聞此制且軍民之二十七日尚在 先帝百日之末則為 后喪蓄髮止
五日耳尤為非禮也

師鈔

以太常寺卿長叙為內閣學士兼禮部侍郎銜

初九日丙午終日霽午後敕有日景 得伯寅書即復 臥閱洪

北江集 殷筭庭來竟日始去以後當用淵明法辭之

初十日丁未暝暖有春中意 得絳文書即復 近以肝氣痔病半

多偃臥昨以對客無聊今日尤覺形神昏憊因閱洪北江詩遂及張

秋坪詩其因樹山房集予未之見其半一軒集則硤民所寓示若也詩

約百數十首硤民蓋節錄之雖時病率易或苦槎牙未有醞釀之功而

辭旨清辯筆亦健達與北江詩格相近北江謂其落筆有古人則未
確也北方詩人似此已為難得故當日如吳白華紀文達皆稱許之其
詩七古如五人墓刀山女枝歌五古如歸里述懷六首興濟道中有感明
孝康張后事五律如淮陰弔古甯武雜詠景忠山七律如臨清懷謝山
人茂秦良鄉郊勞臺定興有感鹿忠節公白雪樓懷李滄溟先生三
屯營有感戚少保故蹟斑竹嶺弔潘玉蘭校書皆風格不媿作家七絕
如舟過山陰云雲容水態逼秋清迤邐青山入越城十里迴塘樓兩岸
夕陽無數畫船行亦可傳也 日來貧甚無可典質矣平生不向人
乞貸今日以有人酬字未足兩作書致之竟不應文章不能自重輕以與人
予之過也一笑置之而已

十一日戊申 暝有風

閱江慎修羣經補義

買櫻桃一樹當歸四

本玉簪兩本石昌蒲三本洋水仙兩本計直十千賒之分植庭隅 作

書致牧莊相約看花

夜閱惠氏九經古義貸園本省吾堂本皆

有誤字學海堂經解本亦承誤而刻之今日略校正數處

連夕月

甚佳

十二日己酉 暝燠可著單絺衣 晡後敷霽有風 倘晚霽

閱九經古

義

夜月仍佳

十三日庚戌 敷暝多霽

閱孔氏公羊春秋通義

午後自課澆花

培土勞而不能性所喜也 然此亦是嗜欲之一念

買柰樹一植之西窗

下都人評為聞聞果以其子圓而香可聞也 其樹似梨花似桃而紅白色子

亦牧甜可食惟生澀耳或以頻婆果為柰然此果實出西域非柰也

古以柰為佳果而今不甚可口蓋物性有變異耳

吳梅村集作文官果湯西崖詩作文果

十四日辛亥晨至午霽下午薄暝傍晚復霽 終日無溽雜攷國

朝科名官制十餘事

十五日壬子暝晨至上午大風午後止 閱愛日精廬藏書志 牧

莊來 雅齋來 以尙裘質錢百二十千付前日買花錢十三

千 夜月極佳徙倚庭下久之 戊正初刻十三分穀雨三月中此

日早睡今夕以閱桂未谷札樸且貪好月時、理詠四更始罷

十六日癸丑暝 閱桂氏札樸同色李吏目宏信所刻也桂氏精於小

學故是書於名物訓詁研析獨精吏目號柯谿居柯山裏邨與予

蘇縵坐雜著

家同姓而不同宗凡山陰會稽城鄉李氏約十餘宗其可數者趙墅有

松雲中丞東郭在明有國華中丞

懋芳

國朝有秩南編修平皆與予家同出

上虞為同宗山泉邨科第仕宦較多傳出於宋之忠襄公李顯忠

天樂邨亦有登科者不知所出此外有柯橋李氏李家溇李氏皆

有祠堂而無科第吏目為柯山李氏又別為一宗亦有祠堂而無為弟

子負者吏目亦由郡之供事為雲南吏目據此書跋尾自言在滇時

謬以下僚蒙被推許引與談論朝夕商榷因以此彙付之屬其刊

刻致未谷以永平縣知縣攝鄧州州則李君蓋為鄧州吏目也其小李

山房藏書極精今其後嗣已絕書亦久敝矣札樸者蓋取說文柰下削

木札樸也之語以札為簡札樸為木皮自比於削牘所棄之餘今段氏說

文已改削木札樸也為削木朴也言朴是木皮樸是木素削木安得有素札是斫字近年莫子偲所列唐本說文木部正作削木朴也然說文下云陳楚謂檣為柁段氏依韻會改為陳楚謂之札柁而唐本仍作陳楚謂檣柁蓋檣即檣也言陳楚謂所削札檣之皮為檣柁也

潘孺初楊惺吾來縱談竟晷

邱鈔
上諭丁寶楨奏河神靈蹟顯著請加封建祠一摺山東賈莊決口經丁寶楨督率辦事員弁實力堵築奇險迭生仰賴神靈顯應大工告成實深寅感金龍四大王封號著禮部查照康熙二十三年加封 天后成案辦理其黃大王宋大王粟大王陳九龍將軍楊四將軍党將軍劉將軍曹將軍應加封號

著吏部一併議奏並建立栗大王專祠以答神庥

案栗大王者河督梁毓美失

臣子自有官餽而被以大王之號疆臣之不學樞臣之無識即此可見嘉慶以前代言者必無是也栗公山西渾源州人嘉慶辛酉拔貢道光二十年卒於河東總督任已贈太子太保諡恭勤朱公義為人廉熙至辰進士由翰林歷官學士吏部右侍郎兵部尚書銜總督河道駐濟甯州康熙元年加太子少保五年卒於官年四十有二乾隆四十五年封助順永甯侯竊謂栗公宜加贈封爵朱公宜加贈保傅及追諡以後再若靈效可加三公至太師或晉王公之封庶為得體

十七日甲寅哩有風下午益甚

閱札樣

令坊人於庭之西隅又砌執為

壇以護花樹付工直及墾泥錢四千

羊辛櫛來久談偕梅卿同畱

夜飯後去

聞前月二十八日災水洋壞火輪船一伙灰六十餘人江蘇海

運委員或若二十一人鄉人通判王綬與焉浙江委員亦灰一人又有來應順

天鄉試者數人同羅此慘有田不耕而沈沒巨海哀哉

郵鈔

上諭楊岳斌奏懇請仍准回籍養親一摺楊岳斌前在江楚等省統帶水師剿除賊匪懋著勳勤上年奉旨召令來京該前督以母病未痊未即就道今來京叩謁梓宮朝廷念其前功正資倚畀茲據奏稱伊父母年甚多疾仍請回籍侍養情詞懇摯出於至誠該前督於水師一切事宜最為熟悉著前赴長江一帶每年與彭玉麟往來巡閱將各營水師認真整頓並准其會銜奏事應需辦公經費著兩江湖廣各總督籌款奏明撥交應用該前督於巡閱之餘隨時回籍省親仍可藉修子職也

上諭前因都察院奏四川監生張事周等呈控永川縣兵差局紳士吞公病民一案內閣侍讀學士廣安奏川省積弊請嚴禁苛斂裁撤釐卡各節御史吳鴻恩奏叙州營勇索餉滋事並知縣責押紳士等情當派廣壽夏

同善前往查辦並諭令將添設之兵差局與路不當衝之夫馬局查明裁

撤茲據廣壽等奏查明所控各情現擬辦結並交查各件查明具奏云云

均著照所擬辦理內值查革監生數人擬杖管仍均准援免總兵鄧學德以向疎不嚴緝獲總督

俱分別議處

十八日乙卯暝大風 終日閱札樸其辨六宗引月今天宗蔡氏章句云日為

陽宗月為陰宗北辰為星宗與賈逵說六宗云天宗日月星辰地宗三太山河

海合賈說與古尚書說同鄭注以為星辰司中司命風師兩師與其月今天宗

謂日月星辰也又天之神祇注謂司中司命風師兩師自相歧異案賈逵說引

見禮記祭法正義引五經異義即賈所注古文尚書說也非別有古尚書說六

宗之義近時陳慈甫五經異義疏證前列二十六家之說紛如聚訟莫能折衷

并詳廣生
州陳炳以設立烟杆抽餉
調停和教化有為無以致太平以養相度不過如是而已

一月初四日陳炳因師身受食龍雲雲亦軍職皆當從奉
是日川案探軍情通將者押米克運當便定詳議處

村集聖解會日言

田集英二集

李

續漢書祭祀志載晉太學博士吳商之說申明鄭義最有據依蓋禮是祭
天神之名非地與山川及宗廟人鬼之祭所可混月令天宗亦當是六宗之誤
篆文天作天六作天最相近天安得尚有宗為不辭矣其說極老一引
周禮春官廟用脩謂自字當作修案說文無自字春官屯人廟用脩
注謂脩讀曰自自中尊其下云凡山川四方用脩凡禩事用概凡鬻事用
散注云故書脩或為諫社子春云諫當為脩鄭司農云脩諫概散皆器名
以此推之則脩不得即為自字猶諫不得即為脩字也賈疏謂脩字於尊
義無所取故鄭從自則脩非可當自字明矣江良庭篆尚書以自當自
亦止取其音同也竊謂自本字當作酉干支申酉之酉篆文作𠄎古文作
𠄎見汗皆與卯之篆文𠄎古文𠄎開合相對說文酉就也八月黍成可為酎

禮記正義卷之...

酒又酒就也蓋今本有脫誤酉即酒字也故醪醑等六十七文皆从酉而酉酒

兩字說解法同酉若从耶省酒以八月始耐故从耶又取以為聲也口象尊形

八象酒形鬻毫一自之自本字宜以酉為之也說祥子所著其辨燕禮記賓為苟敬

謂苟音己力反說文苟自急救也从竿省與从艸之苟字異詩無曰苟矣苟亦

當為从竿之苟與下遊字為韵鄭注為苟且若非案苟敬之苟當音匪孫

頤谷讀者陸錄中亦言之其實非也燕禮聘禮兩記之苟敬皆宴賓至此時其

禮已殺故止為小敬若云自急救之敬則其敬反加於聘饗時矣敬本从苟

言敬已足包苟不當連文言苟敬也詩之當作苟與遊字韵則與予舊說

合予說在壬戌其說申生雉經正義云牛鼻繩也申生以牛繩自經引地官封

人凡祭祀飾其牛牲置其絳鄭司農云絳半鼻繩案雉經之當作絳阮文

...

達力申其說然陸氏禮記釋文已云如雉之自經也孔氏正義雖亦引封
人之綉而荀載雉屈其頸而死之說堯典二生一死今在鄭注雉死蓋雉性
耿介故士以雉為摯俗作取必死之誼雉經之說古人蓋親驗之以為喻如必
作綉則豈縊死若必用牛鼻繩乎其辨學官謂當作斲官說文斲覺
悟也篆文省作學引檀弓叔仲皮學子柳注學教也為證案漢書所謂
學官若謂太學之官耳故後世謂之校官學校一也不必改學為教其辨子
非不樂引漢書翼奉說北方好行貪狼申子主之東方怒行陰賊亥非主
之五行有刑德行在東方子刑卯軒在北方卯刑子謂賈鄭注言紂以甲子死
桀以乙卯亡者非案近儒多主翼奉說其實好異之過者風角刑德之說聖
人所不言如其說則決辰之中必兩遇子卯疾日亦太多矣周以前亡天下者夏

殷為慘周之先王又親誅紂故忘其亡日以示警惕且玉者存三統以通三微
夏殷在三正之世祀宋猶存故子卯不樂恆亡國存殷鑒其義深也後世尚
以甲子日用兵為戒武王以甲子興乃一時折諫者之言何足以難鄭乎其辨龍
輔謂龍節以玉為圓輔非玉名亦非禱旱之壠案龍節以金為之不聞以玉
為圓輔且國之旌節皆受之天子有官守之不當私以為獻杜注玉名雖不
知所出蓋說左氏者相傳如此孔疏引說文壠禱旱玉也本以無可比附姑
取一龍壠同音者言之杜氏所說則更為臆決矣其說季氏介其雜謂當從
韋昭云以芥傳雜羽說者謂介為甲非案賈逵服虔及高誘淮南子注皆
同韋說其實非也果以芥子傳羽則傳文當云芥其雜羽不宜止云介其雜
也以介為甲云雜著甲是鄭眾說為說左氏者最先之人而高誘注呂覽

亦云介甲也作小鐘著雜頭則高氏亦用仲師之義惟以甲蒙羅故邱氏

為金距以破之此事之易瞭者蓋傳文介一本誤作芥釋文介又作芥賈服遂

以擣芥子播羽為說而杜氏本即賈服本遂亦沿用舊注此亦陸孔本不同之一陸本作介孔

本作芥也今注疏本乃依陸本改之傳作介而注義疏蓋皆作芥不可通矣是以釋文注疏合刻之病也即如上條記周官老人職鄭注蚌曰合將此陸氏本也故釋文云合音合本亦作合將如字本又作漿而實必秀所疏之本則作蚌曰合漿故疏云蚌蛤一名合漿今注疏本亦作蚌曰合將是依陸本改之也十二經中如此者甚多又可枚指宋人謂以芥末傅羽揚之

欲以昧敵雜之目亦當自昧其目其說是也其謂趙哀當是趙哀故字子

餘釋詁哀多也案哀是俗字古祇作掣趙哀字子餘自當從王伯申說以

相反為義如鄭公孫黑字子哲魯曾點亦字哲鄭豐卷字子張之比王氏

謂卷當作壽其辨魏志鄭哀王冲以大船量巨象事謂符子載燕昭王似為孔改

以舟量大象是古有此法案符子當作符子是符堅兄子符朗所作在

東晉末其載燕昭王事蓋即影撰曹冲事而為之子書體多寓言未必
別有所本也其賜惡姓一條謂江西有哀氏辜氏皆賜姓今哀改為衷
案風俗通言哀姓魯哀公之後因謚為姓是非賜惡姓者也漢書王莽
時有哀章後漢書有掖庭技人哀置世說注引舊語秣陵有哀仲家
黎甚美則哀亦為著姓矣惟急就篇言姓名有曰痛無忌顏師古注
痛氏本盛國之後實姬姓也周穆王盛姬歿哀痛不已遂改其族謂之
痛氏則賜姓實有類此者耳 張缺氏來 洗足 夜復雜記科
名故事數則於貢舉攷略中

十九日丙辰曜上午有風 雜攷驚病攷牙嫫姬六字略辨釋之 說文
無驚字段氏據詩采薇釋文正義補入弓部訓云弓庚也謂弓很庚不調案采

徽象弭傳象弭弓反末也鄭箋弭弓反末擊者以象骨為之釋文引埤
蒼云擊弓末反戾也正義言象弭為弓反末擊戾之處以象骨為之也又引
介雅弓有緣者謂之弓無緣者謂之弭孫炎曰有緣者以繫束無緣者不
以繫束以骨飾兩頭然則弭者弓梢之名以象骨為末弛之則反曲故云象
弭弓反末也合攷鄭君及陸孔之說則擊自為弓末反曲處之名其處飾
以象骨即謂之象弭非浪戾不調之名蓋擊弭即辟呬皆疊韻字鄭
注辟呬傾頭與語亦是折曲之意玉篇廉韻擊皆作弣又作誓訓為弓戾
皆非本誼也弓之矯戾自當用弗字弗即拂也以弓ノ者右戾ノ者左戾故
从弓儿會意說文以弗从弓謂从韋省恐非 漢書五行志時則有下體生
上之病師古曰痾音阿又志曰災及人謂之痾志五行者自漢及隋皆有人

木生 聖解會 言 甲集卷二集

痾一門案說文痾病也引五行傳曰時即有口痾今傳本尚書大傳卷三鴻範

五行傳云時則有口舌之痾又時則下體生于上之痾鄭注痾病也字皆作痾

玉篇痾同痾是以痾為正廣韻痾下注云亦作痾則又以痾為正天徐下云倚

也小徐本作痾也班書多古字疑說文本作痾或作痾耳集韻痾痾並列

下引說文痾也或从阿是說文並有兩字之明證 廣川書跋引說文敫音

奇木別生也案說文無敫字玉篇支部敫巨宜切杖也廣韻五支渠羈切敫

木別生也敫上同古故枝字只作岐且枝字从木从支已合別生之誼故說文

枝下云木別生條也其不當別有敫字明甚敫字从束从支已為蘇複無義

玉篇入之支部則尤謬矣其从市者市當作市形誤也米字隸變作市米

字隸變作束遂亦與市亂故柿果之柿今作柿矣 午後借梅卿同車

游憫忠寺及謝公祠看花又至慈仁寺杏花榆葉梅已盡落惟丁香盛
開其樹高且多幾倍於法源也寺後梨桃各一樹作花正紅白襟映
艸花紫色若滿地亦為可愛復久坐丁香花下啜茗而歸 孫鏡江來

不值

邱鈔

上諭左宗棠奏遵查通判陣亡並全家殉難情形請飭部優卹一摺前署

甘肅貴德廳同知候補通判承順於同治六年二月間逆回攻破廳城該故員

奮力巷戰陣亡甚慘伊母薩克達氏伊弟候補通判州同崇順及吉順同時被害

家丁七名俱以身殉深堪矜憫承順著交部從優議卹准其於灰事地方

建立專祠並加恩予謚親屬僕從一併祀

此管年御史吳可讀請卹若承順旋予謚勳烈

二十日丁巳霽午後薄晴 上午偕梅卿詣極樂寺看海棠車出西
直門山光野色已豁羈目寺中花事正穠編總僧廊流連花下紅香
四照豔絕人天此非南中所有者也予至此看花六度惟至申陳蔡兩
同年之招及今日為際其盛耳佛殿前有梨一樹蔭盈及晦作數萬
花雪疊烟霏清綺尤絕潛不得於月夜觀之殿西有勺亭眺望亦美
梅卿邀食蔬蕪饅麪數品過晡而歸付車飯錢十二千高粱橋買
脆餅錢三千 庭隅窗下用葦稗編花障子一層既以護花亦
以當簾幙也付工錢二千二百 寺中折海棠數十枝賣花人王榮又送
紅白碧桃折枝及櫻桃藥子各十餘枝來汲水插之盆盞俱滿 是日得詞

國香

乙亥暮春極樂寺看海棠

輦路琳宮又猩屏錦帳爭門妝濃多情內家羅綺來繞珍叢天上
霓裳已換問沈香誰被思釀傷心舊時話寂寞連昌玉樹青蔥翠
華停幾度倏珠塵霧捲長信都空嬌鶯雖燕無數盡泣鵲紅獨擅昭
陽第一倚雕闌愁對春風休提夢中事細仗珠燈合隊花驄

二十一日戊午晨至于霽午後醒 鄧鐵香自惠州入都迎其孥來

訪久談 趙桐森以直隸知府請分發入都來訪 閱說文作競隸

競隸二字說

二十日己未醒徧晚敷霽有風 阮酉生來 鄧鐵香饋以絲冠一頂

筒中葛一端化州橘紅一包午時茶三匣丸藥三封即作書復謝稿

也... 越縵堂雜著

使二千

郎鈔吏部郎中何樞授湖南長沙府遺缺知府

二十三日庚申晨至午醒午後霧有風傍晚數醒即霧晚天色黃
晦大風有激雨 作書致牧莊約過談 得紱文書約廿七日飲宴

賓齋即復辭

夜大風竟夕震撼

郎鈔工部節慎庫郎中玉珩授直隸口北兵備道

二十四日辛酉醒午數霧終日大風傍晚少止夜復風 閱五經異

義疏證比日窘甚而心體轉覺安舒足副鑽研雜攷經說頗有所
得而懶於疏記隨過即忘亦可惜也 得紱文書 蔗雞暇食之甚美

予所名玉雛園也

二十五日壬戌暝備晚霽 楊惺吾約明日飲宴賓齋即作片辭之

收莊來贈靈清梅蘊一器賜談至晚去 補栽紅杏碧桃藥子各一

樹紫薇兩樹城外載土兩車來壅之付車力錢八千花直暫欠之

署中知會袖一日陪祀 太廟

邸鈔致仕副都統前大學士賽尚阿卒

詔崇綺現在穿孝吏部右侍郎著崇厚兼署

二十六日癸亥暝晡後收霽晚有風 考據之學愈後而愈精然非心細

而識高不能獨出己見也 國朝全氏錢氏王氏之史學可謂精矣全與王

錢雖取徑不同錢又非王所及要其攷證皆有獨絕處惠氏棟史次於經

而兩漢則致力亦甚深何氏焯陳氏景雲姚氏範尤非三君之匹其校正馬

越縵堂雜著

班范陳四史之功亦不可沒也然如漢書宋景文校本之偽錢氏亦不能辨之

全氏鮭埼亭集外編中列其五可疑而偽乃灼然矣梁劉之遴傳中載漢書

古本王氏亦信之桂氏黻札樸中深以無可復見為恨邵氏晉涵南江文鈔中

列其五謬而妄不待攻矣邵氏說即四庫之提要也提要史部多出邵氏手今南江文鈔中惟刻史証漢書後漢書提要三首而已多所刪節矣蓋王錢

俱未見也及漢書古本之妄全氏經史閎谷中已發其端此以知謝山史學之不

可及惟其喜言道學薄視馬班所指擗兩家史裁之疏皆拘於宋人義法

之說其言分傳合傳之不當又未免以時文法律之然錢氏能知史漢之用意

而猶輕視范書惠氏亦致不滿而王氏獨深知其佳處宋儒如王厚齋猶極

詆陳志何氏錢氏始力為表教益見讀史之難耳 梳頭鬢面 傅子

尊來

邱鈔

上諭李鴻章奏已故大員曾著勞績懇請賜卹一摺前烏里雅蘇臺將軍

福濟於咸豐年間在安徽巡撫任內辦理軍務宣力有年現在因病身故殊

堪軫惜福濟著加恩照巡撫例賜卹

福濟字之修安徽臨榆人丁未主會試合肥之鹿也

編修汪鳴鑾升補國子監司業

二十七日甲子哩傍晚有風 又添栽月季花兩樹且移植丹日花叶未使疏

密相間培泥注水俱躬親之不勝其勞 作書致鐵香約其小飲 自

荷月恭賦 嘉順皇后輓詩僅得數聯而未成今日檢得其稿因足

成二律 后以狀元之女作合 天家為千古所僅見其賢又足以副之

彼蒼不祐降喪迭至得非故相之餘殃耶悽矣

恭賦

嘉順皇后輓詩二章

纔○唱○廉○歌○送○素○車○永○安○宮○裏○咽○悲○笳○碧○桃○愛○種○千○年○果○白○柰○愁○簪○
二○月○花○阿○母○層○城○誰○遣○使○玉○皇○天○上○自○攜○家○靈○衣○颯○颯○因○風○舉○知○足○
長○門○望○翠○華○

凶○門○柏○歷○罷○蘇○儀○猶○象○深○宮○大○練○衣○扶○荔○風○香○圖○史○富○濯○龍○花○發○
宴○游○稀○傷○心○寶○玦○辭○瑤○膳○幾○見○圓○璫○好○玉○妃○鳳○御○裴○回○知○有○恨○平○
恩○銜○命○向○金○瓊○

二十八日丑晨及上午薄霧間暝午至晡多暝晡後黃晦旋驟雨
數作有雷震晚霽潑雨即止 閱全氏經史問答 新種緋桃作

等正襟今日得小雨後晚會闌然明豔尤絕
夜空雨旋止一更後大風時雜飛雨
夜來風雨春馬於袁賦此寫之

臨江仙

新種緋桃一樹試花正妍薄霄胃之宛然愁絕夜來風雨春馬於袁賦此寫之

落盡櫻桃飛盡絮晚花一樹穠新薄陰低卷小窗晴似憐春老來
試靚妝明轉罷輕雷飄罷雨滿階芳草多情夜來風信近三更暗
凝紅淚誰與伴明星

邱鈔

詔左宗棠以欽差大臣督辦新疆軍務金順仍幫辦軍務

西征糧臺諭令左宗棠
查成陝西藩司經理

詔戶部左侍郎袁保恒回京供職

左宗棠疏劾保恒驕奢淫佚保恒亦劾宗棠恃才傲物專執自恣殊批
保恒摺云左宗棠持躬之嚴約謀國之公忠察吏之精明行軍之簡潔自非保恒所及

二十九日丙寅小盡哩

趙桐孫來

鄭寅谷來

濮紫泉饋保定

越縵堂雜著

醬菜四小管即復謝

印結局送來是月公費銀十六兩七錢

梅卿邀

同趙鄭兩同年晚飲廣和居夜三更歸

付是月房租銀四兩

郵鈔

紐

金順調補烏魯木齊都統景廉調補正白旗漢軍都統即行回京當差

夏四月丁卯朔上午暝午後收露晡後露傷晚澍雨 收莊來

紱丈來 得董峴樸二月中旬秦州書并寄懷七律三章 紫泉

來 箇晚借收莊紫泉梅卿小坐花下啜茗夜飯後兩君去 夜

一夏雨作二夏漸密有簷澹聲四夏後止

邸鈔

上諭崇實等奏查明奉省各案先行定擬一摺盛京戶部侍郎兼管奉天府

府尹志和奉天府府尹恭鏗雖查無藉缺營私確據惟於委署毫無定章奉天

府府尹署中站任令劣幕董慕憲盤踞招搖實屬有罪政體不洽輿情志和

恭鏗著一併交部議處志和著即回京聽候部議盛京戶部侍郎兼管奉天府

府尹著崇實兼署運同銜同知董慕憲著革去職銜交地方官解回原籍金州

欽定四庫全書
明倫彙編
家範典
卷之...

副都統毓福等抄辦巨匪高希珍雖無賄縱實據惟未能立時擒獲致令遠颺

又未派水師與山東師船會抄實難辭咎毓福著開缺交部議處前署金州

海防同知候補通判宜額崇於門丁高升不加管束致有勾結賊匪情事實非尋

常疏忽可比宜崇額著即革職不准投效捐復佐領春鐸雖無與賊首戴發

通函兌錢確證惟闔省軍民無不疑其通賊實屬聲名狼籍僅予革職不足

蔽辜春鐸著即革職從重發往軍臺效力不准收贖以示懲儆

旋吏部議老和降調卷錄
革職兵部議毓福亦革職

以成廉為金州副都統

詔內閣部院各衙門於京察一等未經託名各員內遴選保送由吏部帶領引

見

初二日戊辰卯正三刻十一分五夏四月節 震雲散曜已後曜午後有風比

日頗寒今年稍暖

錢竹汀氏之學浩博而精密

國朝漢學諸儒中

為大家然于慮一失亦或不免如武進劉申甫駁其春秋答問楚商臣蔡般
之弑子不子父不父也故楚成王蔡景公皆不書葬謂吳楚之君從無書葬
之例至蔡景公實書葬三傳經文皆同不知錢氏所見何經實為失檢之
甚者今日閱其集中題跋六卷兼綜百氏抉擿得失誠為學者資糧
然如跋復古編云果與突須與須畱與答形聲俱別而併為一文此誤之
甚案復古編果下云周行也从网米武移切別作突音深窳突也須下云面
毛也从頁彡借為所頽字相俞切別作須荒內切與沫同皆分別畫然何嘗并
合當下云滿也从高省象高厚之形又當也或作答小亦即茲字也別作答會址非
德合切又伏墻二音詳張氏之意蓋以今用答當之答當作畱不當借小亦之答

許君富讀若伏而大徐本音芳逼切小徐本音彼式反古音職德同在一部
故張氏讀富為翻德合切故不誤也

段氏十七部音均表
第一部特列意聲伏解

謙中於小學甚深宜

有此等字尚不能辨別者其跋會稽志云陸氏家世貴顯放翁父子預修
此志而傳人物祇及左丞佃一人古人志槩皆寓史法不私其親如此案嘉
太時志其傳人物鄉賢例止及宰執陸氏惟農師官尚書左丞得稱執政
故止及一人其後寶慶續志始補列侍從張湜序例中明言之錢氏攷之未
審也其跋渭南文集云宋初有凌遲之刑而未嘗用讀放翁請停除凌
遲奏狀謂自五季多故始於法外特置凌條非聖世所宜遵乃知此刑
昉於五代而南渡時固已用之案宋自神宗熙甯八年趙世居及餘姚縣主
簿李達河中府觀察推官徐革等逆謀之獄徽宗崇甯四年妖人張懷

素及朝散郎吳儲兄弟等之獄皆凌遲處斬不待南渡時也錢氏養新錄中亦已載之而此尚未及追改皆檢記之偶疏耳 倘晚頗不遭傅子

尊來夜飯此輩何事復來親人予強出見之乃知其非為予也

郎鈔 委散秩大臣承需准其告病開缺 以通政司副使桂全為光

祿寺卿 戶部江南司郎中董潤授四川北兵備道 董潤漢軍陳生原任張兆春病故

初三日己巳醒 再得絨文書借日記及吾學錄俱復絨文惠墨兩挺

是日付米錢六十千石炭錢三十千首飾翠花錢二十五千新裁花艸

錢十五千 碧桃紅杏計直九千紫薇兩樹三千朱砂藥子三千 夏夫傭錢油火錢七千陳媪庸錢五千

郎鈔 甯夏將軍穆圖善入京署理景廉所管正白旗漢軍都統

以翰林院侍讀學士烏拉喜崇阿為詹事府詹事

也

越縵堂雜著

林生聖解會言 甲集卷二集

初四日庚午晨及上午暝午後暝露相間天氣極煖 得紱文書即

復 作書致鄧鐵香問行期則已行矣 是日偶復尚書如五器說江氏

王氏段氏孫氏皆主鄭說然鄭音乃箇切惟見集韻所引鄭君不當言反

切江氏謂鄭當讀為笈亦近曲說段氏謂笈是鳥籠下既有器字則此

不得云笈若是也鄭訓如為以物相授與之言蓋以與字釋如字故集韻

乃箇切下云若也若猶與也王氏引之 述聞謂如者與也及也其說較諸家

為直截然以五器為公侯伯子男朝聘之禮器亦屬空言無徵又謂如字

蒙上文脩字言之果如其說則五器當在三帛之下不當間以二牲今作生字一後人所改

或卿大夫士之摯矣鄭注謂授摯之器有五卿大夫士中士下士也器各異

飾其說必有所本史記五帝本紀云二牲一或為摯如五器加一為字則五器

指授摯之器蓋無疑義此謂脩治公侯伯子男朝聘之五禮躬桓信穀
蒲瑞節之五玉赤繒黑繒白繒薦玉之三帛卿大夫羔鴈二牲士雉一炙之
摯與授摯之五器則文從字順矣惟五器為盛摯之物故加如字以明之
若亦是五等之禮器則以五玉三帛五器連文可也至馬李長謂五器即五
玉下云卒乃復謂事畢而還之然則如字又何解也蔡沈乃妄移五玉至摯
九字於協時月正日之上而以脩五禮如五器連文其陋不足辯矣

邱鈔

詔本月初七日大高殿祈雨悖親王奕諒恭代拈香時應官等分遣諸王

初五日辛未晨及上午霽午後暝 得趙桐孫書以近年所作雜文

一帙近詩四章見示即復 作片閑孺初疾 雅齋來 胡升之婦

金釀絲赴河南來故辭賞錢十千藥物數種

郎鈔 左春坊左贊善溫忠翰補原官編修黃師闇升右春坊右

贊善

初六日壬申晨露上午收暝午暝下午露

潘孺初來

張缺民

來

羊辛搢約明晚飲萬福居辭之

閱鮎埼亭集比日券甚時若

發熱飯後尤覺腹疔蓋元氣不足又有溼熱脾胃不張故中多積滯

耳

初七日癸酉晨及上午露時有激雨下午收暝

閱鮎埼亭集

得

袁爽秋片招飲宴賓齋辭之

郎鈔

兩宮皇太后懿旨 惠陵現在興工神路及石像生無庸修建其餘均照 定陵

規制

初八日甲戌暉 左氏經傳文之誤如桓十五年傳人盡天也父而已誤

天作夫遂致杜注婦人在室則天父出則天夫二語為虛設段氏五裁據

唐律疏義音義兩引俱作人盡天也以正之莊三十二年經傳城穀誤作

城小穀 此後人據公穀三傳以改左傳也二傳經文誤多不字遂以為管邑凡二傳之與左異者皆由文字訛脫 遂致杜注引穀城縣有管仲

井為不相應孫氏志祖據公羊疏傳左傳作穀與二傳異且引昭十一年傳

文齊桓公城穀而實管仲馬杜注城穀在莊三十二年以正之 此條阮文達已采入校勘記 今日

偶聞左氏正義如昭八年傳游服而逆之請命對曰聞彊氏授甲將攻子

子聞諸曰弗聞子益亦授甲無字請從案將攻子當作將攻子左傳子皆

也 越縵堂雜著

作余此偶作子遂因下文誤為子耳請命者乃陳桓子請子旗之命蓋桓

子忽見子旗之至以為事露故既改服而逆且問子旗之來何所見命也游

服若宴游之常服杜注以為遊戲之服似非對曰云若子旗對也曰弗聞者

桓子說言弗聞也蓋子旗本欲往子良家子旗兼治子良之室自當常往其家故正義駁服虔說以將往為欲往陳氏者非也

因數人有授甲之者故至陳氏問之不得桓子告以授甲而反云弗聞也且子

旗自言弗聞則桓子亦不得遽有授甲請從之言杜注請相為子旗問

桓子所至若蓋誤此以情事推而得之耳遂世守之及胡公不淫注胡

公滿遂之後也案不淫者滿之字也淫者滿也說文淫浸淫隨理也一日久

雨曰淫浸淫即衍溢之意淫雨亦作靈雨亦言其久而滿淫也淫使淫亂之

字本作媮室者近求也此等字皆以聲包義媮亂作淫者乃通借字亦引伸

義滿字不淫者滿而不溢之誼也 與嬖袁克殺馬毀玉以葬楚人將

殺之請寘之注云置馬玉案既殺馬毀玉以葬矣安得而復寘之寘者

寘弗殺也寘猶舍也讀如唯執政所寘之之寘謂袁克請而赦之也

桓子授甲而如鮑氏遭子良醉而騁注云欲及子良醉故騁告鮑文子

案醉而騁者子良也加而騁二字醉狀如見故下文又云皆將飲酒情事

宛然若如杜注則此時未遣人視二子安知其醉

初九日乙亥暝下午有風 潘星文來 讀左傳正義 傅子

葦片來氣書扇復之 夜月暈五更後大風

初十日丙子暝大風下午風稍止露 桂氏札樸云左傳賜我先君履

東至於海西至於河南至於穆陵北至於無棣杜注穆陵無棣皆齊境

者非也京相璠曰無棣在遼西孤竹縣案此引見水經國漢水篇注無棣上有舊說二字漢書地理志遼西

郡令支縣有孤竹城管仲舉此者以曾伐山戎也史記索隱云舊說穆

陵在會稽非也今淮南有故穆陵關是楚之境無棣在遼西孤竹服處

以為太公受封境界所至不然也蓋言其征伐所至之域小司馬之說是

也管仲舉楚境之穆陵以證齊伐楚非無因涉其地又特舉無棣

以示踐履之遠使楚知畏若但舉齊之四境不足威楚出言何謂且

楚自知之無煩界量矣慈銘案桂說是也鄭注所引是京相春秋土地

名語玩其文加舊說二字似京相亦主服說而鄭氏斷之云管仲以責

楚無棣在此方之為近方之者謂方服說也則道元已取京相所引舊說杜氏通典云

鹽山春秋之無棣邑也則君卿亦取之至穆陵則高氏士奇春秋地名

攷云青州府臨朐縣東南一百五里大峴山上有穆陵關顧氏棟高春

秋大事表亦同而案隱云在淮南之說無所取證然青州在晉時曹魏

慕容超等皆據大峴以為固不聞有所謂穆陵關者而淮南之合肥漢屬九江

六朝改曰汝陰縣屬南汝陰郡六朝時為重鎮其通壽陽建康之要路亦有大峴小峴二山合肥

在春秋為舒巢國楚之北竟後遊屬楚疑穆陵本在今廬州府境後以

青州大峴名同遂移穆陵關於此小司馬在唐初聞見因確耳 桂氏云




哀十五年傳楚伐吳陳使公孫負子弔焉及良而卒吳人云以水潦之不

時無乃廩然墮大夫之尸茅尹蓋曰雖墮于深淵則天命也非君與涉人

之過也審其前後之言負子歿於水杜注孔疏皆未之及慈銘案桂說非

也傳文明云將以尸入尸者柩也故注引聘禮賓友未將命則既斂于棺造

此等星斗盈日已 甲集第二集 越漫坐雜著

予朝以明之芋尹對太宰詔亦前言朝聘以尸將事之禮是吳所云
隕大夫之尸者謂恐隕其柩也故曰無乃而芋尹曰雖隕于深淵皆設
為未然之辭且殓於水亦不當言隕其尸也 桂氏云尚書序皋陶矢
厥謨釋文矢本又作夫隸釋唐扶頌惟直如夫說文匕部訃下云吳古
文矢字夫蓋隸體從古文變也廣韻以夫為俗字德銘案夫者夫之
篆體也說文夫从手匕聲尚書序夫一本作夫者蓋夫失音近通用唐
扶頌之夫是漢隸之誤人作夫為夫耳夫之古文作若其上从匕為
聲夫篆體作夫篆體作夫本遠不相蒙自隸變為夫失遂易相混
亂廣韻至以夫為夫之俗字矣世之講求小學喜依說文作楷者自六書故
復古編通雅以及陳氏毛詩稽古編等書皆書夫作夫則非篆非隸於

失字形聲蓋不可復蓋亦以夫為矢之俗說誤之致變作夫耳 得

星文書送其小鷗波館集兩部來

郎鈔刑部郎中瑞璋授浙江甯紹台兵備道

原任顧文樹告病

十一日丁丑暝晡後數霄有風

撰彭文敬神道碑文

牧莊來

賜談竟日至夜二更時去

趙桐孫來

阮百生來以人以嚴先生書

來為之先容故妻接見之而年少無所知識今日語言尤鄙甚聞其父

為浙江捐班知縣必是貪吏無疑也以後當絕之

郎鈔鎮國公前禮部尚書奕湘奏病難速痊請停公俸

詔奕湘開

去差使加恩賞給全俸

十二日戊寅暝晡露

撰彭公碑銘辭 碑文以昌黎法為之銘辭以

也

甲集第二集

卷

越縵堂雜著

龍門扶風贊論法為韵語此非唐後人所知者也稿別具不錄 作書

致伯寅得復 得伯寅書即復 再得伯寅書 桐孫約後明

日飲宴賓齋辭之 昨夜夢感一事悲懷莫釋賦一詞寫之皆

隱格夢中語也

陌上花

久病客中忽夢所憶前塵宛在語之甚悲寫以曼辭譜以楚徵不自知其愁絕也

穩。燈。夢。賦。無。端。相。見。淚。痕。凝。袖。影。事。烟。空。依。約。訴。來。如。舊。鈿。輝。仍。
試。新。妝。好。只。有。黛。眉。微。瘦。尚。相。憐。若。去。惜。離。傷。逝。萬。千。傷。慙。斷。
腸。癡。絕。語。檀。藥。願。得。生。小。花。紅。人。壽。門。草。歸。來。長。倚。畫。堂。春。晝。卅。年。
幾。慟。人。間。世。還。問。玉。簫。生。否。詎。纏。綿。未。化。夜。臺。塵。鏡。斷。香。還。守。

郎鈔

詔 盛京戶部侍郎兼管奉天府府尹志和奉天府府尹恭鏗委署豪無
定章均照吏部議降三級調用不准抵銷恭鏗並任令劣幕盤踞招搖
仍照部議即行革職

十三日己卯晨教暝上午暝下午霽

終日閱雜書

張蓉江之淵

來香濤之兄也以湖北道員入都引見

傍晚坐庭下洗足

夜月甚

佳有教風

邸鈔

詔 十五日再祈雨大高殿及時應宮等處

十四日庚辰晨至上午暝午後教霽埃簪傍晚性爽

終日閱雜書

桐孫書來催飲作復辭之

邱鈔

以湖北鄖陽府知府慶裕為奉天府府尹未到任以前岐元署理

經藩院郎中英謙授直隸熱河兵備道前江蘇常鎮道蔡世俊以同知用編修樓譽普授山西道監察御史

十五日辛巳晨暝上午穀霽旋暝午後熱可單衣晡後牧霽 今日

部院諸員考試差若二百八十餘人文題蕩平乎民無能名焉兩句詩

題膏雨潤公田得靈字擬題者侍郎殷兆鏞

此日雜聞近人文集

皆乾隆至道光時指可數之名家也其中叙事之文不特無識力也能

知翦裁者十不一二也能講傳謂者亦十不三四也可見文辭之難工

夜無月有風

邸鈔

由進士出身之滿漢侍郎內閣學士三品京堂及四五品京堂內未與考試
試差者俱於本月二十日在上書房考試

上諭左宗棠奏本年舉行鄉試請簡派正副考官一摺甘肅陝西兩省現

在分闈考試甘肅路途較遠所有請派考官著禮部於陝西之前具

題先是左宗棠奏請陝西分闈鄉試下詳議行旋奏定陝西中額四十一名甘肅中額五十一名今年恩詔陝西共加額三十一名甘肅應分七名又應帶補五名恩科劃留中額十七名恩詔廣額七名捐輸加廣一名共應取中五十四名

兵部郎中承祿授湖北鄖陽府知府

十六日壬午晨激雨即止上午醒晡後霽傍晚有風 讀周禮注疏

自此以為夏課 得趙心泉書約十八日飲廣和居即復 始食鮑

豆配以竹筍家鄉貧士之常饌都中為珍鮭矣

邱鈔劉松亭補浙江處州鎮總兵

十七日癸未晨至午後復暝晴霄晚姓戌正一刻七分小滿四月中 同司

李壽蓉來辭行

十八日甲申暝 作書致桐孫贈以錢三子集等書數種 約桐孫

爽秋紫泉諸君後明日飲廣和居 作書致趙心泉辭今日之飲

以兩裘質京錢七十千自此區中物盡矣

邱鈔

上諭丁寶楨奏現辦堤埝兩工情形請設左廳訊一摺著該部會同河東

河道總督妥議具奏

十九日乙酉暝 得桐孫書并還鮭埼亭集外編 得李望軒壽蓉

書言廿二日赴楚當作一聚為佳 作書致桐孫并還其近文一帙

作片致牧莊選札樸等書 作片致許竹簣致朱偉侯俱約明晚飲

廣和居 作書致李篁軒約其明日飲廣和居并贈以建初買地記

一通 得牧莊復 硃氏來 作片致張蓉江約明日飲廣和居

金忠甫來

二十日丙戌晨霽散見日景上午潑雨下午小雨晚晴 梳頭 上午詣

廣和居邀趙心泉李篁軒嚴鹿谿許竹簣濮紫泉同飲并招秋菱

午後心泉先去蓉江來哺後篁軒去更邀羊辛楮袁爽秋朱少蓮及

梅卿夜飲二更後歸是日在酒家終日雖無佳興亦不覺疲也酒責

至八十餘千付下賞六千秋菱車飯二千

二十一日丁亥暝有風 得被丈書即復 吳松壘來 孫鏡江來

比日涼燠不均風乾氣燥大有旱意

邸鈔

詔於本月二十五日選選光明殿道士在 大高殿開壇祈雨選選僧人在

覺生寺諷經仍分遣近支王公詣殿寺及時應官昭顯宣仁凝和等

廟拈香鄭親王慶至禱黑龍潭豫親王本格禱白龍潭

翰林院侍講學士許應騫轉補侍讀學士以左春坊左庶子徐郅為侍

講學士 司經局洗馬吳仁傑升翰林院侍講

二十二日戊子暝晨晡致霽 熱不能袷衣 趙桐孫來言廿四日行

得伯寅書并惠銀二十兩言先以潤筆即復謝稿使五千

郎鈔

以太常寺卿^僕綜載慶為太常寺卿

二十三日己丑暝晚露激雨即止

身契不快

晡後詣廣福興居

偕羊辛楣袁爽秋紫泉金忠甫梅卿公餞桐孫晚至桐孫寓送行付

車錢十三千

郎鈔

詔前任大學士兩廣總督瑞麟靈樞現已到京派員勒載激帶領侍衛

十員前往奠醊

詔本月二十七日保和殿考試翰詹

二十四日庚寅暝

得爽秋書即復

身契勾腹悶甚臥閱金

石萃編 夜又疾動

二十五日辛卯醒 病甚終日臥而閱書 得朱偉戾書 夜

神思稍清爽

邱鈔

上諭有人奏問官覆審重案意存瞻徇請派大員查辦一摺據稱浙江
杜杭縣民婦葛畢氏毒斃本夫葛品連誣攀舉人楊乃武因姦同謀一
案經楊昌濬委員覆審葛畢氏等俱已供出實情屢用嚴刑逼令照
依原供該氏仍堅稱誤信人言因雖誣攀實與楊乃武無干等語此案
情節極重既經葛畢氏等供出實情自應徹底根究以雪冤誣而成信獄
著派胡瑞瀾提集全案人證卷宗秉公研訊確情以期水落石出毋得迴

護同官含糊結案致干咎戾

聞之杭州王夫官楊乃武者本餘杭諸生無賴習訟誌逆眾著嘗以不忍殺其妻託言病死其婦家莫之何也葛而

連者楊之鄰人以磨兵乳為業畢氏未嫁時楊與之通因為葛娶之恣其姪及癸酉楊舉於鄉因謀殺葛而娶畢為妾或云葛病畢求醫於楊楊以砒霜與之而信言神藥畢以飲葛即斃畢實不知也或云畢喜楊得舉人欲棄葛以從楊楊為之計殺葛畢曰索事發何楊曰我力能庇若無懼也畢遂從其計毒殺葛其詳弗敢質而楊之為匪人則眾口若一及事露畢解砒霜為楊所親購藥肆供證明白楊亦自承購藥是實矣既讞定而楊令其妻及姊兩次京控言為人所誣事下巡撫巡撫檄調紹興知府龔嘉德湖州知府錫光至省會鞫之尚未報而長興王給事書瑞疏上矣於是人皆言楊之冤實餘杭知縣劉錫彤之子某與畢姦同謀殺葛錫彤既懼其子當誅又一惡人無不惡楊者因誣畢誣楊而劫脅藥肆人以護之楊固無行狀與畢則不相識也其事究不知若何耳

上諭御史劉瑞祺奏請飭籌修運河復行河運一摺南糧運赴通州近年

因河道阻塞改由海道原屬權宜之計該御史所陳不為無見著直隸兩江

山東江蘇各督撫漕運總督河東河道總督體察全河情形應如何設法疏

濬俾利漕行之處妥籌具奏

予部郎中管貽萼選授福建興化府知府

原任知府方熊祥報捐道員離任貽萼陽湖人己未副榜

村樂聖解會日計 甲集卷二集
二十六日壬辰曜 謝夢漁來新以服闋入都者 得紱文書借負
舉役略 付是月賃屋銀四兩 聞黃自香以今日歿自香名體
立刑部主事予管與之為兄弟交者也其年小於予早成進士頗有時名
好飲博狹游遊以致歿吾鄉人管印結局者戴工部堯臣施兵部應藻
及黃君三年之中連喪三人矣

邨鈔

以前江西巡撫沈葆楨為兩江總督兼充辦理通商事務大臣未到任以前
仍著劉坤一署理

二十七日癸巳曜 是日大考翰詹恭邸擬題進善旌賦以光啟帝道輝
映天衢為韻所寶性賢論十風五雨歲豐穰得風字七言八韻詩

二十八日甲午曜 得紱文書即復 是日大考閱卷為侍郎黃偉

黃鈺夏同善徐桐殷兆鏞何廷謙閣學翁同龢景其濬定擬一等五人

吳寶愨吳縣 戊辰瞿鴻禨善化 辛未鈕玉庚大興 乙丑孫詒經侍讀學士 錢唐 庚申鍾駿聲修撰 仁 和庚申二等

七十人第一徐鼐侍講學士 嘉定 壬戌三等八十人侍讀學士王之翰少詹文徵侍

講學士特亮侍講嵩甲皆列三等又四等四人贊善寶瑛在四等聞有

旨及軍機覆閱未知有無更易耳

吳為林華按察之孫瞿庚午舉人其年甚少聞好學愛
鉅本小人無以不學名若其父以游帶蒙迨其大興籍

師鈔

此書是解... 已... 甲集第... 越縵堂雜著

詔四川布政使王德圓勒令休致以廣西布政使文格調補四川布政使以廣
西按察使嚴樹森為布政使以四川按察使英祥調補廣西按察使
詔新設興京副都統以吳龍江協領阿啟太補授

二十九日己未曜

上午出門詣潘星丈紱丈王信甫許以質張蓉江

劉鐫山師俱晤荅拜謝夢漁不值在鐫師處久坐而歸 收莊來

留共夜飯暢談至二更而去

邸鈔

以河南按察使沈秉成調補四川按察使以南汝光兵備道傅壽彤為河
南按察使

右春坊右中允錢桂森轉左春坊左中允左贊善溫忠翰升右中允

三十日丙申 暝 晡後露 是日酷熱

先本生王父忌日上午供饋

晡後數事

得伯寅書惠銀二十兩即復謝稿使八千

比

日疲困不能讀書今日尤劇幾不克行拜跪之禮息惠餘生殆將

已乎

是日付買寄家首飾錢七五千昨日車錢五千

即結局

送來是月公費銀八兩

邸鈔

詔京察一等覆帶引見之內閣侍讀額圖渾劉恩瀆詹事府右贊善黃

師閻

翰林京察

翰林院編修畢保釐吏部郎中黃大鶴員外郎文啟戶部員外

郎鍾珂禮部郎中松林兵部員外郎英敏刑部郎中景維余撰察賡良

工部郎中阿克達春毓璋即坐程慶京察松椿慶錫綸理藩院郎中清瑞吏科給事中

王道源御史王榮瑄奎光陳彝

翰林 京察 王兆蘭 下部 京察

俱記名以道府用

[Faint bleed-through text from the reverse side of the page, including names and titles.]

五月丁酉朔晨露上午有激雨因風即止午暝 閱玉函山房

所輯諸子書 得紱丈書饋玫瑰餅及花卷糕即復謝 傷

晚有風甚涼爽

邸鈔

命編修張楷蘇州 辛未為雲南正考官御史王榮瑄樂陵 庚申為副考官編修畢保

釐蘇州 庚申為貴州正考官御史張清華番禺 乙丑為副考官

初二日戊戌暝 作家數十字 閱玉函山房所輯諸子書其中論

字甚多又僅存一二條者至于餘種皆可不必其輯孔穿譚言一卷據

孔叢子錄出以當漢志儒家之譚言十篇既與班氏自注不知作者相

違而又忘孔叢之為偽書乃反駁顏注為誤亦嗜奇之過矣 作書致

此書... 越縵堂雜著

紬文饋以掃鳧及饅頭 是日付竹簾錢十三千廣五尺餘施之

檐下以當內屏又姬人早帚錢十七千傅子尊喪其長男婦來赴

賻錢三千 得紬文復 張硤氏來 署吏賣花備來培樹

奠以苧麻醬賞錢三千

邸鈔

以理藩院右侍郎蘇勒布為盛京禮部侍郎以盛京禮部侍郎麟

書為理藩院右侍郎

詔本月初六日再分遣王公貝勒禱雨 大高殿等處並派輔國將軍載

灃禱白龍潭貝勒載漪禱清漪園龍神祠輔國公載濂禱靜明園龍

神祠

前任常州府知府孔克丹補直隸河間府知府

初三日己亥午初三刻十一分芒種五月節 暝午後數刻晚涼

唐人言愛制周興嗣千字文惟枇杷二字不能拆此不學之言也枇

字古用作梳比後人作篦字後漢書濟北惠王壽傳頭不枇沐集韻十二齊

枇篇述切櫛木或書作柴亦音婢黃庭堅急就章注云細櫛也杷字

方言云杷宋魏之間謂之渠竿亦謂之渠疏郭注無齒為杷說文杷收

麥器急就章據穫秉杷插樹杷顏注無齒為捌有齒為杷太平御覽

引周生子要論云夫志寥朝之杷杷正人國之掃篲也秉杷執篲除凶

掃穢國之福至之利也枇又通作已箸字禮雜記枇以桑注枇所以載

體者吉祭枇用棘釋文枇音已本又作杷儀禮皆作枇枇杷一字也

也... 穢縵坐雜箸

作致嚴菊泉師嘉興書并寄去 敕命二軸 作致季弟書即

交信局寄去 署吏送來端午節養廉銀十二兩九錢六分

夜涼甚

邸鈔桂清補授正黃旗蒙古副都統

初四日庚子晨數暝已刻小雨旋暝午後露晴輕飈時有飛雨傷

晚露 今人評鳥之胃曰肫亦有所本內則搗糞鄭注與脾肫也脾肫

本字當作脛脛說文脛一曰鳥脛脛鳥胃也脛之轉音為肫肫本權俗作肫

字史記漢書皆借準為肫中庸又借肫為忱儀禮借肫為肫為純

予前以人產三男以上為妖今日又得兩事馬總意林及太平御覽卷三

百六十一俱引應劭風俗通云不舉併生三子俗說生子至於三似六畜言

徐豬脛下注五百葉牛
壯也脛亦名脛脛雁胃
謂之脛說文脛下徐豬江
云今俗謂脛也知今人詩
牛羊各二脛為壯也成時
已如此矣而漢時則牛豕
謂若羊豕說文於脛脛
下脛曰牛百葉也同脛脛
人鄭周禮注云脾析牛有
也補說既夕鄭注云脾析
百葉也

其妨父母故不舉之也瞿曇悉達開元占經卷一百十三引天鏡云婦女一
時生三男不出三年外國來伐生三女國有陰私而應氏又引國語越王
句踐令氏生三子者與之餽生三子者與之乳母而論之云三子力不能獨養
故與乳母所以人民蘇息卒滅強吳今人多生三子子悉成長父母完安
豈有天所孕育而害其父母者哉案今制一產三男者由督撫咨報禮
戶二部給米五石布十匹其男女坊育及一產三女者不給亦取人丁蕃
息之義耳 梅卿惠蕉扇一柄報以手巾香囊 許竹篋來

是日付廣和居酒食銀六兩同茂鋪米錢七十四元隆鋪石炭錢

三十七元寶森堂書銀二兩 李中著地 理韻編 又錢十元 元和姓纂五千又製日記福 翰牒及裝釘書錢五千

興居酒食錢二十九元六百廣益公鋪乾果錢二十一元六百松竹齋裝池

錢十八年大銀飾錢十三千花執錢五千岑福工食錢十千節賞
錢四千外賞兩千外借十千陳媪工食錢十千月食錢五千節賞
四千外賞兩千胡元節賞五千饒富三千王媪四千乳媪二千車夫
二千更夫三千署吏送廉銀賞錢三千茶隸三千走隸隸各一
千金浙館紹興鄉祠山會館庚午直省浙江長班各一千

邸鈔

上諭此次考試翰詹各員經閱卷大臣等校閱進呈親定等第一等四員
二等六十一員三等九十員四等四員其考列一等之編修吳寶恕瞿鴻禨
均以待講學士升用鈕玉庚以庶子升用侍講學士孫詒經以詹事升用考
列二等之侍講學士徐郁以少詹事升用編修張登瀛崞縣張佩綸豐潤均以

待講升用廖壽恒嘉定以洗馬升用王先謙長沙修撰鍾駿聲均以中允

升用編修陳翼閩縣葉大焯閩縣張楷均以贊善升用以上各員現在

無缺可補者均先換頂帶在任候缺編修潘衍桐南海侍講歐陽保極

編修唐景崇廣西灌陽恽彥彬陽湖崔國因安徽太平陳寶琛閩縣侍講吳仁傑

辰澤均記名遇缺題奏並各賞大卷緞袍料一匹小卷緞袍褂料各一件編

修朱琛涇縣許有麟仁和侍讀楊紹和聊城編修曾培祺漢軍畢保釐張清

華達潤古膠州侍讀學士錫珍蒙古編修劉恩溥吳橋廖壽豐嘉定均各

賞大卷紬袍料一匹考列三等之六十七名左中允錢桂森秦州降為編修侍讀

宗室寶廷侍講聯元皆戊辰均以中允降補編修洪良品黃岡劉若平昌平均

罰俸半年右贊善黃師閔小東甯降為編修編修呂紹端南海彭世昌廬陵

也... 甲... 穢... 雜... 著

均罰俸半年左中允恩承瑛降為編修編修蕭晉卿長沙陳振瀛

光平孫鈞昂榮陽均罰俸半年李端罰俸一年貴定侍講學士宗室松森

以庶子降補仍罰俸半年編修周德潤臨桂歐德芳鬱林易子彬光山均

罰俸一年李培元祥符罰俸二年侍講張鵬翼光山以中允降補仍罰俸

半年編修胡聘之天門熊景釗貴筑均罰俸二年李肇錫諸城罰俸三年

考列四等之編修謝元福臨桂罰俸四年雷鍾德陝西安周崇傳雲陵均改為

內閣中書仍罰俸一年左贊善寶瑛己未改為主事仍罰俸一年其考試編

譯列入一等之右贊善銓林以侍講學士升用考列二等之洗馬崇勳以庶

子升用右中允興廉以洗馬升用考列三等之侍讀慶麟以贊善降補餘

俱照舊供職

高例諭詹自贊善以上列三等者皆降官此次於三等七上名外始左降一級為寬典矣寶瑛居末而以從六品改正六品雖云左降實右遷矣蓋以為恭節司書記故諸應降官者皆得以得從輕議也

夜中有雨旋止

初五日辛丑醒燠下午有風 過節蕭然而賒責畢還僮僕欣喜先

生雖病亦不自憂吾心清涼足祛煩燠 姬人烹鳧具酒果午以薦

先即以自酌 王信甫餽銀辭之 殷芎庭饋銀作書還之 家門

戶符帖子 袁爽秋來 作書致濮紫泉約共弈不至 作片致竹

簣以嚴菊泉師敕軸託轉寄得復

初六日壬寅醒酷熱 作書致牧莊 董芸龕來 得朱偉戾

書乞書團扇即復

邸鈔

上諭延煦畢道遠奏抽查漕糧滿御史耽延運務據實奏參一摺京通

轉運漕糧必須迅速查驗庶免剝船守候漕糧亦不致受傷乃抽查漕糧滿御史全善不官多加驗數經延煦等兩次行文催促該御史置若罔聞實屬任意耽延且據奏稱該御史操守亦甚平常全善著回原衙門行走交部嚴加議處所有滿御史抽查漕糧差使著都察院開單奏請簡派

詔黃師閻仍准其記名以道府用所有京察一等加一級毋庸隨帶

初七日癸卯暝下午數霧酷熱夜有電

邸鈔

上諭丁日昌奏舊恙增劇請假回籍調理一摺前江蘇巡撫丁日昌著前赴天津幫同北洋大臣李鴻章商辦事務並賞假兩月安心調理時有旨以

北洋事專責李鴻章以南洋事專責沈葆楨故有北洋大臣之稱

初八日甲辰晨雲合至巳不雨午漸霽午後露晴相間晡後密雲
晝晦有雷頃許雨作即止晚姓

緘三師為仙洲開吊送賻二金

牧莊來

是日復寫大卷錄周禮經文并逐日補完去年所寫本

雅先生於此復何所求藉以溫經而已非欲與三五少年競雜蟲生
浴也 夜月頗佳有風甚涼

初九日己巳曙散露霽甚始作酸梅涼飲子

初十日丙午晨露小雨上午大雨有雷此今年第一次快雨也午後激雨
間作時露日景傍晚姓 始作冷布窗付工料錢八百二十

果以李柰並稱而柰之屬少於李種亦寡變故今少知者西京雜記載

漢上林苑名果異木有李十五奈色紫奈花紫綠奈花綠廣雅

槲石槲奈也峴倉石槲奈屬也爾雅棧槌其郭注棧實似奈亦可食王象

晉羣芳譜據廣志以佛書之蘋婆果為奈金祖望鮭埼亭集外編云蘋婆

果來禽皆奈之屬特其產少異耳蘋婆果雄於北來禽貴於南奈盛

於西其風味則以蘋婆為上奈次之來禽又次之案說文杏奈李桃四文連

比而下俱曰果也以四者之為果古今所盡知不煩解釋為何果而四文相連

其果心亦相似廣雅以為槲槲石槲者今雅說文劉杙郭注劉子生山中實如

梨酢姑核堅稔含南方草木狀云劉樹子大如李實三月花七八月熟其色

黃其味酢煮膏藏之仍甘好文選吳都賦劉逵注云槲子出山中實如梨

是廣雅峴倉之所謂石槲即劉杙亦是奈屬非今五月花之安石槲也安

石榴乃外國種邵氏晉酒部氏魏行疏今雅皆辨之甚詳王氏念孫疏

廣雅合而一之蓋攷之未審玉篇栲樗柰屬也劉杙亦見說文今不知為

何種要之林檎即朱禽玉篇林檎果似柰頻婆果文官果皆柰種之少變者耳至用作

柰何字者是乃何之借乃何即如何也如古音轉而而古音轉能乃一音

之轉故如而乃三字古通用相訓說詳王氏經傳釋詞後人別製栲為柰果字始見玉篇俗字之不合六書者其後

又製柰何之柰為柰字益部誤矣 夜疾大動

十一日丁未霽暉霰隼 得紱丈書即復 袁爽秋約十四日飲 作

書致紱丈得復 聞吳蓉圃於數日前卒為之歎悵 再得紱丈

書

十二日戊申晨霰霽上午激雨下午薄晴晡後霽有風甚涼 得伯

寅書饋茶葉四瓶即復謝 下午偕梅御游龍樹寺久坐蒹葭
綠葦萬畝烟光蒼藹窈窕之軒馬纓始花紅蕤翠纓因風倚移尔雅
所謂髦柔英翟晴江以馬纓樹當之其說似可信也傍晚循先農壇牆
出天街駐車天橋看都人走馬士女甚盛夜小飲福興居而歸 夜小
雨駁作

郵鈔

命

翰林院侍讀學士許應騫番禺為福建正考官編修慕榮翰蓬萊為

副考官候補侍講學士吳寶愨為廣東正考官編修朱琛為副考官侯補洗馬

壽恒為廣西正考官陸芝祥番禺為副考官芝祥祖籍浙之嘉興人其家實甚行至湖北而卒

福建邵武府知府彭世芬雲南普洱府知府文光俱開缺送部引見

十三日己酉醒露爨醜

邱鈔內閣侍讀額圖琿授貴州貴陽府遺缺知府

十四日庚戌曜午後有風

爽秋來催飲午後赴之惟食燒鴨數片

餘未嘗一舉筋也哺時邀潘德初楊惺吾羊辛楣及爽秋至寓暢談

間以茶弁夜飯後二更時歸去

季士周兵部來

是日午刻東

華門外火 下午風益甚夜月甚清綺

邱鈔

詔本月十八日仍派悼親王奕諒詣 大高殿恭代拈香虔敬禱雨睿親王

德長恭祀 天神壇肅親王隆懃恭祀地祇壇豫親王本格恭祀太歲壇

仍派鎮國公奕謨禱覺生寺鄭親王慶至禱黑龍潭恭親王奕訢禱時

應宮惠郡王奕詳禱昭顯廟貝勒載治禱宣仁廟載澂禱凝和廟載
濟詣清漪園龍神祠輔國公載濂詣靜明園龍神祠均先期齋宿並派
怡親王載敦禱白龍潭所有應行典禮該衙門敬謹豫備

十五日辛亥暝風

得伯寅書以新詠盆蘭址蒂詩索和

昨夕疾

復動終日憊甚惟臥而已

晚雲忽合小雨因風即止月出甚佳

夜又

疾動是日洗足

卹鈔

詔十四日午刻東安門內工部門神庫不戒於火延燒庫房三間耳房二間工部
堂官及兼管門神庫郎中司庫等均交部議處

欽天監右監副恩明升監正

十六日壬子暝酷熱

是日力自振作不近臥榻偕吟評詩詞以消

遣之得詞一闋詩一首

作書致伯寅得復

得朱偉戾書是

夜月望清光甚皎

夏晚偕匡伯試茶龍樹寺

暫學清涼法。招提就夕陽。林迴連堞勢。蘆缺見山光。鳥去孤烟定。風來眾綠忙。茶香禪榻畔。元賞等濠梁。

綺羅香

鄭詹齋中區蘭作地蒂花賦詩索和為填此解

萼紫雙含苞。香對坼。生小盈、相並不鬥。春風空谷自商。幽恨經宿。兩笑齒齊芬。背明月。禪鬟同影。是何時。雙寫湘靈夢。回依約。淚痕疑。芳華知有誰惜。喜河陽種就。同心堪證。官體南朝風貌。侍

中剛稱提舊事。並照金蓮記佳識。綴行瑤笥試簪警。定卜宜男玉
窗人暗省。

邸鈔

詔十五日刑部山東司科房不戒於火延燒陝西廣東湖廣三司共十餘間刑部坐
官及值宿主事筆帖式均交部議處

詔前任刑部右侍郎常恩由部曹轉補翰詹擢卿貳勤慎供職因病開
缺調理茲聞盜逝軫惜殊深加恩照侍郎例賜卹

詔李瀚章馳驛前往雲南查辦事件翁同爵暫兼署湖廣總督

陸廣首由雲南赴印度傳教過騰越神護關至極卯土司境土官之弟李四若以軍功保至道員領兵巡境
上遊之酋出通商衙門所站護照責稿震李怒盡執而殺之夷人因責言於我必欲誅李四朝廷以責
雲南巡撫岑毓英毓英既素怨夷之無狀又內畏李四不敢討游辭往復思以金帛釋其恨而崇在利
邊以兵三千由印度駐緬甸境示恐禍漢人皆憤爭欲致岑毓英因馳疏請戰詔嚴責毓英無妄動

開去年英
吉利及非利

廷寄十四諭相繼發不知作何布置也又聞有湖南人李沅若以軍功保至知府去年赴滇請之
毓英修數萬金言赴印度為貿易毓英給之況既得金則務饒楚中弁勇之在滇者率數千
人以去印度地已悉屬英吉利緬甸國土亦半入英吉利矣既入印度即奮擊英吉利寡敗之得數十
城原至十餘萬英吉利甚懼故毓英外恃二季而滇中諸將如楊玉科等皆經百戰多欲去奇功
廷議以戰既不可必勝又恐其入擾天津各海口也故力尼之令命楚督往其事可知矣李四或云名師大
所殺英酋名馬加里頗狡黠云

十七日癸丑曙酷熱晡後致雲鬱悶尤甚晚雲炎歊異常 終日

為人書扇可厭之至予素不喜作書書既不工又苦無暇而有此酬應亦

怪事也 作片致董芸龕羊辛楮楊惺吾衰爽秋 得爽秋復

夜人定時大風雲嫩有雨數點旋月出少涼是夕始臥涼席猶墮扇

耳

十八日甲寅晨小雨終日多霧風雨數作午後致有簷澹聲

以明日夏至先為屋之故主小設酒饌禮之 得羊辛楮書即復

儀禮中月而禘三禘古
文作導說文亦作三年
導服是禘導字皆通而
導與同亦雙聲

戴凱之竹譜有云蒼竹所生大抵江東上防露下疏來風連敵接町疎散
岡潭 四庫提要以為潭字於韻不協蓋四字誤倒其文當作潭岡散疎
以疎韻東風也案此凡決之辭潭以覃聲覃談兩韻同部而談有同音左
傳趙同亦作趙談司馬遷父名談史記諱談為同又覃韻有湛與耽字通
詩和樂且湛中庸引作和樂且耽而湛字宋玉九辯以韻豐字則兩部之字
古音固有相通者矣 庾子山謝趙王齋息絲布啟云春服既成童子得
零沂之舞此用論衡明零篇說也其文曰魯設零祭於沂水之上冠者重
子零祭樂人也風乎舞零風歌也詠而饋詠歌饋祭也此本古論語說鄭
君論語亦從古本作詠而饋注云饋饋酒食也古人舉必以禮無羣出嬉戲
如後世宴游之事曾皙自言所志亦必合乎先王之禮法非如莊列一輩語也

故鄭君獨用古義 是日復覺病甚往之昏睡 晚姓夜涼復去

艸席

郎鈔

上諭御史余上華奏戶部郎中啟續質本輕浮性尤狂悖辦公每多顛預

遇事一味把持等語著派寶璽毛昶熙秉公查辦據實具奏毋得稍涉

徇隱

予初入都時戶部司員氣力最盛者為令順天府尹彭祖順今內閣侍讀學士鍾佩蘭前太僕少卿德克津太

侯補京堂富績皆肅慎黨也及榮私觀政戶部時則司員中令湖南巡撫王文韶前嚴州知府丁壽昌今
山西河東道界太最偏能吏幸未再入都則今四川東道姚觀元今直隸候補知州楊鴻典前江西督糧道錫鏞
有三大將之目今則啟績及郎中董備翰更均尤甚其宦場賄賂操於曹中者指不勝屈也略舉其最者而類
次之亦可以觀世變矣

上諭御史余上華奏請飭戶部通盤籌畫變通裒益以節虛糜而防匱乏

摺著戶部議奏

十九日乙卯寅正三刻十一分夏至五月中
晨至午暝下午散霧偏晚
有風雨即止 祀曾祖考妣 祖考妣 先考妣
下午散事 牧
莊來 殷萼庭來 張缺民來 晡後借牧莊
萼庭梅卿擲
采選圖夜飯後復數周二更時散去

二十日丙辰暝晡後散霧

不前取桂未谷之說以穆陵當從史記索隱

非在青州而顧震滄春秋大事表於列國地形犬牙相錯表中亦沿舊說為
誤今日觀大事表有齊穆陵辨一篇載其弟子華師茂之說則亦主索隱
而謂劉裕伐南燕時止言大峴不言穆陵知今時青州尚無此關尤與予意
同也惟引元知志穆陵關在淮南道黃州麻城縣西北八十八里穆陵山上一名
木陵關南北朝為戍守重鎮唐元和中鄂岳帥李道古出木陵關討吳元

濟其地在召陵與陘之南尤合當日語意攷元和志淮南一道今本已全闕
胡朏明高負雄指亦引元和志穆陵關在麻城縣穆陵山上不知據何書
所引也當再攷

二十日丁巳晨至哺暝哺後蚊霧晚雲合小雨夜雷雷大雨 譚研孫

來 水經洛水篇注載洛陽上東門石橋右柱銘云陽嘉四年河南尹邳崇
隲丞渤海重合雙福按邳當是下邳東漢徐州有下邳國下邳縣此誤脫一下
字元和姓纂崇夏殷時侯國也崇侯虎為文王所滅王伯厚姓氏急就章自注崇
氏以國為氏蘇為崇伯殷有崇侯見廣韻今廣韻崇下但云又姓則今本刪節多矣
崇隲之名不見於范書盧抱經補正熊氏後漢書表錢可盧後漢書補表亦俱
未采及漢人題名多舉郡間或系縣此渤海重合郡縣連書雙姓元和姓纂云

顓頊之後封於蒙城當徙通老氏族因以命氏有天水望後魏梁州刺史疊水公

雙上洛家天水省東郡白馬縣有唐瀛苦二州刺史雙子符廣韻雙姓出

姓苑後魏有將軍雙仕洛仕即上字之謫姓氏急就章注雙氏下即引水經

注漢有雙福 五夏時靄電又雨俄頃止

二十二日戊午晨至上午薄暝午後靄晡後小雨即止傍晚姓 聞胡墨

莊儀禮古今文疏義非特小學之奧要亦為鄭學之津梁習曲臺禮者不

可不讀也

邸鈔

命光祿寺少卿潘斯濂南海為四川正考官右中允溫忠翰太谷為副考官修撰

梁耀樞順德為湖南正考官編修尹琳基日照為副考官侍講學士徐郿為

辛未

甘肅正考官御史劉瑞祺德化為副考官

編修黃師閻授廣西恩恩府知府恩恩廣西極瘠郡也有瘴氣多蛇虫知府歲入止百金八百兩而已三月間以授戶部員外廷房不同司也皆病不

去今以校師閻云

二十三日己未終日霽晷間有激雨晚有虹東見

邸鈔

上諭內閣侍讀學士廣安奏正途人員選缺壅滯請飭變通章程一摺著吏

部議奏

二十四日庚申晴熱埃能 新投官紹台道瑞君來 張寶卿來 朱

蓉生自浙來 是日復以物質錢六十千 作書致殷萼庭 是日

上及百官皆清髮以 考哲毅皇后之喪將屆百日也